


刑部諸賦二諸賦三



刑部卷之九

諸贓二

典章四十七



倉庫官	吏人等	盜所守	錢糧	倉官人	等盜糶	官糧
一貫以下	十貫	一百二十	十貫	徒一年		
每二十貫加等四十貫	每三十貫加一等	一百五十貫	徒二年半			
六十貫	八十貫	一百八	十貫	徒二年		
八十貫	二百一	二百四	十貫	徒二年半		
二百四	二百四	三百	十貫	徒三年		
死						

許贓以至元欽諸物依當時估價應犯徒皆決訖

居役

諸倉庫官知庫攢典斗脚人等侵盜移易官物匿不舉發者與犯人同罪失覺察者減犯人罪四等

漕運司官吏失覺察驗糧多寡究治盜糶糧價盡數追沒正糧于倉官糶買人處依價追徵還官盜糶糧價并正糧照依前項條例追徵

江淮河海	運糧官吏	船戶稍工	水手人等	妄稱風水	淪沒船隻	車船人戶	用水攪拌	揀和糠塵	因而盜用	官糧	本管官 吏知情 不受分 皆除名 不叙	犯人 十石以上 刺面 十石之下	清運司官 吏影占運
糧料	冒支	船戶	運糧									知情 糴者 十石以上 十石之下	受分與盜 糧人同罪 失覺察驗 糧多寡究 治
			犯人	本管官吏 情受分或 因而落 十石之下								十石以上 十石之下	除名永不 叙用失覺 察者驗糧 多寡究治

侵盜

倉官侵糧飛鈔至元十九年九月 中書省欽奉

聖旨條畫內一款節該管糧官吏人等偷盜糧斛及飛鈔者十

石以下追糧入官杖斷除名永不叙用過十石者處死通

同結攬以輕贖與倉官者同罪御史臺按察司糾彈之官

知而不舉者與犯人同罪欽此

侵盜錢糧從先發官司徵理御史臺承奉 中書省劄付

准江西行省咨照得先于至元二十年十二月初五日據

本省所委官楊治中呈體覆得袁州路倉官吳程叔等收

受十七年稅糧一萬四千八百六十九石飛鈔三千七百

石價錢與本路官吏人等侵用得此改委前撫州宣課都
提舉徒卑朝制追問回呈問得倉官吳程叔攢司郭宏狀
稱至元二十年八月內蒙楊治中間出十七年飛訖糧數
不科攢司下鑑因事于當年十二月內却附按察司出首
是實呈乞照詳為此劄付隆興路移牒按察司照勘吳程
叔等飛糧價錢分送本路官吏人等使用了當本司將各
官分受錢數已徵申臺作數未徵見行追徵乞照驗事本
省參詳前項飛糧鈔數若倉攢下鑑亦赴按察司告首緣
所委官治中間出月日在前其錢理合徵解本省合死止
今按察司作數今後若有似此事發追徵錢數從先發官

司徵理似為相應咨請定奪回咨都省除已移咨本省照
勘袁州路倉官吳程叔元收管根除飛訖前項糧鈔將實
收數目回咨外仰照驗今後似此事發追徵錢數從元發
官司徵理如已追徵鈔糧若依正數就便發付合屬官司
收管施行

侵盜錢糧限內出首免罪至元二十二年六月 御史臺
承奉中書省劄付

奏萬億庫交鈔庫內外諸倉局院官吏在前官司不肯用心
拘鈔賞罰不明的上頭歹人每多有偷盜侵使係官錢糧
行來如今俺商量來舊委付的人每根底未曾交刈子有

在前偷盜侵使了錢糧底人每怕官司要罪過逃走了多有

皇帝可憐見呵與一個月日限教他們盡實出首者首出來呵止徵係官錢糧與免本罪如限外不首却有別人首告出來依着見定

條格要罪過呵怎生奉

聖旨那般者欽此

侵盜官錢配役至元三十三年四月二十三日中書省奏過事內一件係官的庫裏倉裏錢物偷了來的少了來的拿着底人多有錢陪不起呵他底田產人口頭匹底不揀

甚麼准折屬官地不勾呵保人根底交陪者更不勾呵本人根底交配役他每工錢算着那錢數到呵放呵怎生道來麼道奏呵交保人每陪底知駝怎生有然那般依着您底言語者偷了錢物來的賊每根底不合放麼道

聖旨有呵回奏為去年行了來的

詔書

聖旨已前偷了官錢的侵使了來的根底那般道來麼道奏呵索甚麼那般者道有

赦放麼道賊每喂多了也錢陪不起呵他每根底交搭着糧食步行的交種田去者麼道

聖旨了也欽此

去官侵欺給由官代納福建行省劄付至元二十三年四月承奉江西行省劄付為撫州路官吏侵欺積年錢糧于內有任滿得替迤北還家人員照勘得各人籍貫移准都省咨議得各處行省所轄地面以遠就近設立司慰司親臨各路府州司縣勾當遇有官吏滿替例從本處官司照勘完備方許給由求仕即今各處行省往往移咨都省追理還家官員任滿侵欺貨物等不唯遷調文獎其人苟生僥倖百端推逋所追之物不能到官蓋因任所官司放縱如此耽誤官錢擬自今後應去任人員必須從實照勘

如有侵欺盜借官物隨即依數追納還官然後方許給由若是給由之後却有照出侵借係官錢糧等物止勒當該給由官員代納庶革前弊仰依上施行

攬飛盜糧等例至元二十五年十月尚書省奏奉

皇帝聖旨諭省院臺部內外百司大小官吏軍民諸色人等據尚書省奏百姓合納稅糧各處官吏坊里正首權豪勢要人等結攬輕賫錢物與倉官攢典斗脚通同飛鈔及管糧官吏運糧車船人戶侵盜官糧似此奸弊多端蓋是各道宣慰司按察司總管府漕運司不為用心禁治以致糧斛不能盡寔到官擬到禁治條畫乞降聖旨宣諭事准奏今

後若有違犯照依定例條畫追斷施行

一諸倉官吏與府州縣司官吏等百姓合納稅糧通同攬納接受輕賫飛鈔者拾石以上各刺面各杖一百七下十石之下杖九十七下官吏除名永不叙用退闕官吏豪勢富戶行鋪人等違犯者十石以上決九十七下十石以下杖八十七下其部糧官吏知情受分與結攬官吏同罪不曾受分杖五十七下除名永不叙用有失覺察者親民部糧官吏決二十七下府州總部糧官吏決一十七下若能捕獲犯人者與免本罪宣慰司摘委正官一員專一提調禁治如是違

慢從尚書省量情治罪按察司官糾察不嚴亦行究治倉官人等盜糶官糧結攬納飛鈔者一体刺斷知情糶買者十石以上杖一百七下十石之下杖九十七下其漕運司官吏有失覺察者驗糧多寡究治所據盜糶糧價飛鈔輕賫盡數追沒外正糧於倉官并結攬糶買人處依價均徵還官

一江淮海河運糧官吏船戶梢工水手人等妄稱風水滄沒船隻及車船人戶用水攪拌揷和糠塵因而盜用官糧者十石以上刺面杖一百七下十石之下杖九十七下若知情糶買者十石以上杖一百七下十

石之下杖九十七下所據元盜糧價併正糧照依前項體例追徵其本管官吏知情受分者與盜糧人同罪不曾受分者杖五十七下除名永不叙用失覺察者驗糧多寡究治

一運糧船戶冒知糧斛十石以上杖九十七下十石之下杖八十七下追徵糧斛還官本管官吏知情受分或因而剋落者依上斷罪除名永不叙用有失覺察者驗糧多寡究治

一漕運司官吏影占運糧人戶并車船頭口者量事輕重杖斷除名永不叙用

一停開運糧車船戶計仰宣慰司各路府州司縣官司盡數勾追到官發付合屬取管運糧避役在外者聖旨到限一百日許令出首免罪給付元拋事產依舊當役限外不行出首勒令本處官司緝捉得獲痛行斷罪發還元役

一漕運司并各路官司常切厘勒倉官人等並不得收管不堪支持糧斛及在倉糧數時常點視挑倒死致發變損壞違者勒令倉官陪糧斷罪漕運司并各路官司亦行究治

軍官攬納飛糧天德六年 月行臺准 御史臺咨龍興

路大濟倉使藉用狀告軍官王達攢納黃桂等稅糧及倉副王文瑞等永免告官與訖鈔五定等事取訖王達所招攬大濟倉糧米三百三十餘石將中統鈔四十一定三十兩交與倉官王文瑞准納正耗糧二百石分受鈔三定三十兩入己罪輕釋免本人職役例合刺面除名不叙緣係管軍人員請照驗呈奉中書省劄付送刑部擬得王達等所犯于戶處攢納稅糧到輕贖鈔內與訖倉官王文瑞中統鈔四十一定三十五兩准納正耗糧二百石四合四勺唐世榮分訖鈔三定一十兩九錢各人在逃王達入己鈔三定三十兩于王文瑞與世榮家屬處并王達名下

追徵到官各人罪輕釋免據倉官王文瑞事發在逃雖死取到招伏合同獄成以枉法論罪罷職不叙王達即係軍官之職難同州府司縣部糧官吏接攢稅糧取要輕贖一體斷科黜罪經欽遇

詔恩擬合通行標附通名其餘有招元緣人等革撥相應都省准擬施行

偷糧驗時價追至元二十六年六月 尚書省准中書省咨奏奉

聖旨節該管倉的官人每在先偷了糧的失陷了的那時分偷來依着那年分價錢交陪償者欽此差官盤點得各路至

元二十四年收到糧內短少米一萬八千二百餘石除已行下各處照依開倉時估折收價錢追徵外請照驗都省議得失陷短少糧斛擬合追徵本色如死糧戶照依犯事事月日比附元收年分從價高者依數追徵咨請依上施行

復盜官錢庫官均陪至元二十八年二月行御史臺切見

國家內外庫藏俱設請俸庫使庫副提舉提點而庫中錢帛正由庫子出入但有侵盜動是干定萬定而為庫使庫副提舉提點者並不知覺事發亦不連坐所以官錢雖設庫

官管領即與元官何異方今此弊甚矣天下一体合立法度不以大小庫分其中錢帛并要提點提舉庫使庫副親臨知數掌管不許委之庫子若有侵盜庫官雖不知情有失鈴束亦勒均陪仍行斷罪如是督責庶幾稍革前弊移准御史臺咨呈奉尚書省劄付倉庫但有侵欺盜用錢糧諸物已令錢庫官均陪斷罪仰照驗施行

復盜錢糧罪例元貞元年七月欽奉

聖旨條畫

一倉庫官吏人等盜所主守錢糧一貫以下決五十七至十貫杖六十七每二十貫加一等一百二十貫徒

一年每三十貫加半年二百四十貫徒三年三百貫處死計贓以元鈔為則諸物依當時估價應犯徒一年杖六十七每半年加杖一十三年杖一百七皆決訖居役

一諸倉庫官知庫子攢典斗脚人等侵盜移易官物匿不舉發者與犯同罪失覺察者減犯人罪四等

一諸倉庫大小官吏人等皆得互相覺察其有侵盜錢糧即將犯人財產拘檢見數准折追理若犯人逃亡及死可追者並勒同界官與人等立限均陪

侵盜官錢有失提調大德七年閏五月二十日江西行省

准中書省咨河南省咨汴梁路行用庫替名庫子程世

榮等侵盜官錢中鈔統三百五十四定二十八兩九錢三分

取到提調官達魯花赤阿臺等有失關防招伏咨請照詳

送刑部議得達魯花赤阿台所招大德六年輪該提調平

准行用庫違期不行計點以致庫子替名程世榮等侵盜

訖中統鈔三百五十四定二十八兩九錢三分罪犯量情

合決三十七下却緣年已七十依例追罰中統鈔三十七

兩沒官總管完顏德安三十七下治中李公惠二十七下

通行標附推官宋守廉既无招涉别无定奪具呈照詳都

省議得阿台年既七十犯罪不任科決合令致仕贖罪鈔

數不須追徵餘准部擬除外咨請通行照會施行

接攬稅糧事理大德十年十一月御史臺咨奉 中書省

劄付來呈山東廉訪司申章丘縣人戶朱成告大德九年

十月十七日本管岳百戶指稱點糧為名于人戶李二等

處齊歛鈔兩及有該着稅糧又行攬要輕賣中統鈔四百

八十八兩五錢入己不公取訖招仗本臺看詳省係為例

事理具呈照詳送刑部議到主首岳全等各各罪名都省

逐一區處前去仰依上施行

一刑部議得主首岳全所招除輕罪外不合大德九年

十月十七日于人戶朱二等七戶處接攬訖稅糧一

十六石三斗五升輕賣中統鈔四百五十三兩內止

與訖里正張世安鈔三百六十兩赴倉羅納稅糧外

尅落九十三兩入己罪犯若依先奉

條畫定罪緣與倉官通同接受輕賣飛鈔情犯不同量擬斷

決三十七下元尅落鈔兩沒官相應 前件都省議

得依准部擬

一刑部議得里正張世安所招除輕罪外不合大德九

年十月十七日于主首岳全處接攬到人戶朱二等

七戶稅糧一十六石三斗五升要訖輕重中統鈔三

百六十兩除納訖稅糧使訖鈔一百八十五兩八錢

外尅落鈔一百七十四兩二錢八已罪犯若以接受
輕贖定罪切緣收糴本色粟豆赴倉納訖止據不應
尅落餘上鈔兩入已情犯量決二十七下尅落鈔數
沒官相應

前件都省議得里正張世安所犯量決二十七下餘准
部擬

處斷飛盜糧例元貞三年行省准中書省咨照得元貞元
年七月十九日

奏奉

聖旨定到倉庫官吏人等偷盜所守錢糧罪名已經通行欽依

去訖今據刑部呈大都豐實倉官監支納筆硃等飛鈔偷
盜官糧取訖招伏擬到各人罪名都省欽依已降

條例議得筆硃為首合行處死倉使李德決杖一百七下徒
役三年倉副趙彬杖八十七下徒役二年攢典各斷八十
七下斗脚各斷七十七下元盜糧價拘收各人財產人口
頭疋等物哲准還官于十一月十四日

奏准已將各人聚衆號令依上施行了當咨請遍行曉諭施
行

侵使

道錢人侵使官錢至元十七年十二月 御史臺承奉

尚書省劄付十一月十一日

奏過事內一件前者外路拖欠偷盜了的人每身上有的錢
糧差人追徵去來那差去來的人每追徵得將的來時分
逢着開

赦去來的人將那追徵來的錢物不送將這裏來就沿路他
每分要了似這般的

赦前偷盜了係官錢糧的人每多有待要罪過呵
赦前麼道有待不要罪過呵限分外的一般有麼道奏呵休

空放了打者若犯着性命呵

我根底說者麼道

聖旨了也欽此

舊使官吏俸錢斷例至元二十七年 行臺承奉 御史
臺咨承奉 尚書省劄付戶部呈元收大司農司追到廣
濟署俸錢中統鈔四十五兩萬億寶源庫申納鈔人不曾
送納就問得本部寫發人劉明之名從恕狀招不應接受
入已侵使取到招伏覆奉 都堂鈔旨將本人斷訖七十
七下諸衙門休委用奉此除將劉從恕依上斷罪具呈照
詳都省除外合下仰照驗施行

復使糧錢斷罷不叙至元二十七年 行臺承奉

御史臺咨承奉 尚書省劄付刑部呈省委糶糧官扎魯
花赤令史梁仲元將糶到官糧價錢中統鈔一百二定七
兩二錢侵借還債取訖招伏審囚官將梁仲元斷訖七十
七下省會永不叙用相應都省准呈合下仰照驗施行
縣官侵使課鈔至元二十八年十一月 御史臺承奉
中書省劄付來呈山南湖北道提刑按察司察知江陵縣
達魯花赤忽察忽思于本縣收到酒課內移借鈔三定使
用及縣尹宋鼎不行追理取到忽察忽思等一千人招伏
呈乞照詳送刑部議得忽察忽思宋鼎所招罪犯合行斷

罰外據干連人典史張國寧等所招合從按察司就便約畧歸斷 都省議擬于後

正犯人達魯花赤忽察忽思狀招不合于至元二十三年六月二十五日為買房屋令本家胡二于李押牢見收本縣徵到酒課錢內借訖鈔三定又招在後買房不成自合隨即還官不合經隔三個月餘知得察知私下回還李押牢收管罪犯招伏是寔

前件議得忽察忽思所招不合借用官錢罪犯依准部擬量決一十七下依前勾當標注私罪過名

干犯人縣尹宋鼎狀招既是司吏符應于鼎處說知宣

差于官錢內借訖鈔三定自合隨即追徵不合因為江水泛漲防水不曾管問追理招伏是寔部擬罰俸半月標注公罪過名

前件議得縣尹宋鼎所招雖知達魯花赤忽察忽思借使官錢緣忽察忽思係同僚長官兼宋鼎因為隄防江水泛漲公事相妨不曾管問量情似難責罰

典史張國寧司吏符應鄉司鄧明德等各各招伏罪犯前件議得依准部擬從本臺行下按察司就便施行

路官侵使課鈔至元二十九年四月 中書省據御史臺呈西蜀四川道廉訪司狀申察知成都路總管姚傳祖同

知菊龍回等侵使課鈔及四川轉運司二十八年合辦課程不足又豐濟庫官人等將茶鹽課鈔侵使移易等事于至元二十九年三月二十一日

奏過事內一件這帖木兒成都府廉訪司官人有那裏底官人每死体例底察知來說有姚總管小名底庫裏要了錢麼道奏呵怎生道來短說者麼道

聖旨有呵回奏省官每死体例覷面皮來底說有俺商量底姚總管根底罷了他底替頭裏別交委付人同知底勾當比及明白以來停職合問有省官人每覷面皮來底課程錢不徹底別勾當每都交這省裏差人去俺那裏去了底監

察每一處他每根底交問去回來呵他每罪過那時分一發說呵怎生麼道奏呵那般者問去者麼道

聖旨了也欽此

路官借使官物至元二十九年二月 行臺准 御史臺咨據江西湖東道按察司簽事也先帖木兒呈巡按至臨江路体問得本路提調錢糧官總管姚文龍各項移借官錢等事取訖條細招伏移牒本道申覆行臺照詳外誠恐本官領親人赴

上妄行陳告不知在此事情合先將各各所招移借事目開呈乞照驗事得此移准行臺咨于至元二十八年十一月

奏過事內一件行臺官人每與將文書來江西臨江路總管
姚文龍小名的人與子六件招于管庫內借出鈔一千四
百四十五定絲三百觔更管着的縣裏科斂了鈔九十一
定一十三兩五錢這錢都追了也俺商量得與偷官錢一
般他根底斫七十七下永不叙用更他伴當岑忠小名的
同知招伏了二件于官庫內借出鈔一百五十二定他根
底斫五十七下永不叙用呵怎生奏呵那般者麼道

聖旨了也

軍官侵使昏鈔至元二十九年九月 中書省據御史臺
條燕南河北道廉訪司所委東光縣主簿兼尉耿熙呈計

點出長盧行用庫官庫子將倒下中統昏鈔侵使得此委
察蘭與本道廉訪司官一同追問得副使于仲庫子朱雲
震等通同侵盜訖鈔一萬五百七十八定有後界庫官黃
慶劉諒到任要訖銀鈔不行交割及兩次轉差計點官滄
州同知的勛無棣縣主簿兼尉李原到庫取受錢物不行
計點又滄州親臨提調官吏經年不點亦不起解本州司
吏周尚文于倒下昏鈔內侵借使用河間路總管府提調
正官首領官吏將昏鈔不為催督依期起納取到犯人并
提調官吏各各招伏詞因都省議得通行寶鈔
國民所賴今河間路滄州官吏并庫子人等不遵元行如此

作弊若不明示懲勸深為未便為此于八月初四日
聞奏過擬斷下項罪名除別行外咨請通行合屬出榜于平
准行用庫門首曉諭禁治

庫副子仲處死籍沒家業人口

庫子元各杖斷一百七下配役一年除親口外斷沒驅
口財產受財不行交點見在錢物新庫官二名

提調受銀三定至元鈔四定杖斷一百七下配役一
年

大使受銀二定至元鈔四定杖斷八十七下配役一
年

受財不行計點見在錢物元差官二名各杖斷八十七
下解見任期年之後降先職三等

侵借官錢司吏杖斷一百七下罷役永不叙用
本處親臨提調官吏經年不點解昏鈔

知州五十七下解見任期年之後降先職一等

都目五十七下罷役永不叙用

司吏六十七下罷役永不叙用

本路總提點官吏不為依期起納昏鈔

總管為已得替量決二十七下別求仕

經歷知事各決三十七下解任別求仕

提領案牘四十七下解任別求仕

司吏五十七下罷役永不叙用

縣不應保庫子于仲就陞充平准庫使

典史權縣事三十七下罷役永不叙用

寫發人一十七下罷去

看庫子子身四名受要庫子中統鈔四定三十兩令拆

牆搬入侵盜鈔數庫內作不曾盜使各折八十七下

發遣還家

通錢與元計點官人折四十七下

計典官別行陞用

稅官侵使課程大德七年六月初九日御史臺承奉

中書省劄付刑部呈准吏部關武昌路稅務大使孫桂等

欺隱侵使增餘課程四定二十五兩廉訪司以不在法三

十七下解現任別行求仕本部議得孫桂等節次侵使中

統鈔四定三十三兩內廉訪司元徵四項鈔四定二十五

兩今次續照出一項與董詢納課支用鈔一十三兩計折

至元鈔四十七兩六錢即係在法每人該至元鈔一十五

兩八錢六分去零係一十貫以上依例合決五十七下解

見任期年之後降先職一等廉訪司依不在法例斷罪別

死定奪所據各人職役擬合比例期年之後降叙相應具

呈都省准呈仰照驗施行

復借官課驗駐依枉法斷天德二年 行御史臺據湖南道廉訪司申吳仁貴告長沙縣魚湖都監夏仲淵等將元貞二年上半年河泊酒課埋沒不行盡實解官取到各人招伏移咨御史臺定奪去後又據本道申湖南道宣慰司牒承奉湖廣行省劄付該據岳州路申臨浙路務提領荅失重等分使二十九年課鈔八十二定三十年課鈔二十四定追徵未到欵遇

赦恩未曾承伏看詳此等侵使官課人員已後合无叙用移准中書省咨送刑部議得侵使官課人員若有已取明白

招伏驗駐依枉法定擬如无招涉依例叙用相應省准呈請照驗施行准此除將夏仲淵等依例斷遣外移准御史臺 呈奉中書省送刑部議得夏仲淵等所招欺隱罪犯既廉訪司依枉法例斷別難議擬 都省准呈仰依上施行

復使官錢追陪駐例大德二年八月御史臺咨據燕南道申順德路庫子岳端等侵使係官司鈔合追正陪鈔六百三十三定已追外有二百二十四定追徵間欵遇大德元年二月

詔恩所有未追陪鈔擬合欵依元貞元年

聖旨條畫外至元二十九年追徵陪贓當時從權事理合行革
撥此係為例事理呈奉到 中書省劄付送刑部議得若
犯真盜追徵賠贓今御史臺呈當時從權事理合行革撥
以此叅詳宜從本臺所擬緣係通例更乞都省區處具呈
照送都省准擬除外仰欽依元貞元年奏奉

聖旨事意所據兵端侵使鈔定既已追訖四百餘定別无定奪

刑部卷之十

典章四十八

諸贓三

回錢

取受事發回付量斷御史臺據淮東道按察司申揚州路
府判羅天祿取受不公比及事發已經回付又伊妻阿趙
受訖銀器二件咨請照驗定奪事准此呈奉到 中書省
劄付送刑部照擬回呈議得羅天祿所招取受違錯罪犯
除輕罪外據本人狀招不合于二十二年二月初五日四
月盡頭因事取受張應郊銀器九件罪犯却緣羅天祿比
及事發已經回付看詳終因取受其事枉法即係違錯量

情擬將羅天祿解見任期年後降先職一等叙用標注私
罪過名外據羅天祿妻阿趙子羅術雖有取到招伏終是
與天祿共犯似難議罪得此省都省議得羅天祿所招取受
張應如銀器九件比及事發已經回付量情擬決三十七
下解見任期年後降先職一等叙用標注私罪過名准
部擬除外合下仰照驗施行

取受悔過還主無罪至元三十年御史臺咨河北河南
肅政廉訪司申分司牒汴梁路封丘縣軍戶程興王舉等
告為告論車戶人等不肯出脩車脚錢與訖張縣令人情
中統鈔九十兩雜令史鈔六十兩不為追問欲行告官有

宋令史將興元與鈔兩回付事責得縣令尹張中復司史
宗信招伏與元吉相同將張中復決三十七下解任宗信
依例斷罪本司看詳張中復等因事取受鈔兩後已回付
若准解任緣係急例事理申乞照詳得此呈奉 中書省
劄付送刑部議得張中復等所因事取受程興等鈔兩比
及事發已先回付在後陳告列官廉訪司既已斷訖若令
依舊勾當相應都省准呈仰照驗今後若有似此所犯官
吏既已悔過還主毋致斷罪仍行移合屬照驗施行
知人欲告回錢延祐二年二月 江南行臺准 御史臺
咨承奉 中書省劄付未呈備監察御史臺呈廣寧路同

知耶律哈刺孫取受行使偽鈔人石抹君賢至元鈔六十貫閭陽縣主簿李榮亦取受訖本人至元鈔一十貫閭知欲告回付過錢人傳改驢收管取訖招伏罪經釋免送刑議得諸官吏及有出身人等因事受財未發而自首及回付者當許自新准首原罪其知人欲告回主及有自首蓋因事不獲已即非悔過合依已擬減罪二等科斷罪既經斷似難復任合准御史臺所言解見任別求仕如蒙准呈照會相應都省准擬依上施行

過錢

禁治過度錢物中書省至元十九年十二月初一日

奏如今斷底勾當斷底限長了有與肚皮勾當有三件一件有勾當底人將着錢物轉托他人過度有過度錢物的人不令管公事人知將元與錢物昧落却于元與錢物人處說稱與了也一件有勾當底人將着錢物轉托他人過度有過度錢人于管公事人處說知有管公事人道那錢則你根底放者候事了呵我要一件有勾當底人為管公事底人不要人錢上故意將錢物與一個人將着做過度一般將管公事人賍謀底也有如今這般底人每事發時分

錢誰的房子裏出來呵只問那人并與錢人根底要罪過着這般安罪呵其問過度錢行踏人每也無去也麼道奏呵奉

聖旨是有則那般交行者欽此

過錢人量情斷罪至元三十年七月行臺准 御史臺咨坐到

奏過官吏取受罪名一十三項除欽依外照得官吏因事受賍中間多係轉托他人過付事發取訖招伏在前止以不應量情科決今既受錢者已有罪名其出錢人過錢人等即係一連事理不見擬斷定例為此移准御史臺咨呈奉

中書省劄付照得取受罪名本臺已有

奏准斷例所據過錢人等事發到官取訖明白招伏驗賍輕重斷量情斷罪咨請照驗施行

帶行人過錢斷罪發還元藉大德八年二月江西福建奉奉使宣撫承奉 中書省劄付來呈請官吏取受錢物告發到官合聽官司依法推問是實依例追斷如問得管事官吏但曾知會行賂若本宗公事違枉雖無入己之賍亦合解任罷役如不違枉驗事輕重的決標附過名但凡因取受錢物事發之先悔過還主依例免罪及官吏雖稱回主其賍止在過錢說事之人處回付不到元主者合依取

受例科斷外據過錢人等比例加等斷罪南人初犯移從
接連面再犯違遠北人斷訖發還元籍官司收管各務本
業如此則庶望少革官吏取受害民收養潑皮年老死賴
之徒抵抗承替之弊然此即係通例具呈照詳送刑部照
擬回呈照得至元十年正月十八日御史臺呈據監察御
史呈切見在先隨路諸色人內多有投托本管達魯花赤
管民官員作本廳彈壓提領都管委差札也人吏隨從勾
當繼立遷轉各官以為故舊或放把持徃徃帶行在所凡
遇差役倉庫院務之人爭告財產詞訟之事本管門下此
等之人專一窺伺有採取者暗相計構取要酒食賄賂以

以非為是誘說本官亂行處決又將連署官僚間牒不和
損事害公莫甚于此其帶之人即合禁止如各官赴任委
死人力許令帶行送到任所立限發遣回還似為便當為
此奉到中書省劄付仰令各道按察司就便禁治事奉此
本部議得諸官吏不許將帶行人等取受過度錢物俱有
禁例今後若有違犯之人除依例追斷外將過錢帶行人
監押發還元籍官司羈管仍令各道廉訪司嚴加体察相
應都省除外仰照驗依上施行

僧人過錢察司就問大德十年十月行臺准 御史臺咨
浙西道廉訪司申僧人陳告軍民官吏不公及百姓因事

告諭中間貪婪者巧生奸計結構一等不奉釋教僧人經手接受過付錢物事敗若與僧司一同追問所置司在寫遠必是虛調文移事干取物受如從臺察隨即勾問不惟革去前弊亦使早得結絕係為例事理呈奉中書省劄付送刑部議得若准御史臺所擬相應然係合行

聞奏事理仰就便施行移准御史臺咨大德十年六月廿三

日本臺

奏過事內一件江南行臺官人每文書見說將來勾當裏行的官吏問人要肚皮干碍着和尚每過付見證呵事發之後為是和尚麼道約會他本營的頭目問呵于事有空碍

不能結絕有麼道俺商量來要錢的人這般使見識教和尚每自己的道子裏不行官吏每的見識裏過錢行呵和尚每的勾當裏不同有他每的別勾當裏不干預似這般的過錢的和尚每有可不交約會和尚麼的頭目則交監察廉訪司就便依例取問呵怎生又在前這勾當也聞奏上位來要錢的人每見識有如今和尚先生每根底這勾當裏休犯者麼道行文書禁約呵怎生依奏呵奉

聖旨那般者欽此

出首贓錢過錢人免罪大德十一年四月江南行臺准御史臺咨准西北道廉訪司申諸人出首錢物其間干礙

過錢人數取到招伏或擬治罪或擬恕免為无通例所行
不一看詳受錢人出首到官既亦推首過錢人合行免罪
相應即係為例事理呈奉 中書省劄付劄付送刑部議
得法開首路欲使自新既受錢人罪得首原其過錢人即
係因罪人而致亦合原免相應都省准擬合下仰照驗施
行

過錢尅落入已延祐三年四月行臺劄付近據王允中告
到前充杭州路司吏為人和縣民戶范賓興告允中接受
本人退狀中統鈔四定過付一段司吏鮑居敬數內尅落
訖二定入已在後遷充平江路事蔡蒙浙西道取招伏擬

斷不叙切照允中止是過付比例告乞施行得此移准
御史臺咨呈奉 中書省劄付送刑部議得王允中所招
前充杭州路司吏時于至大四年七月二十二日將范賓
興行求與本路司吏鮑居敬中統鈔四定內尅落二定入
已終非因事取受罪過原免合依已擬令本人別行求仕
相應具呈照詳都省准擬

首贓

自行告發同首至元二十年五月 行御史臺來申福州
路錄事司民戶曾一秀等告為本路催買桐油令丘九娘
等過付與司吏李俊鈔七十五兩取訖丘九娘不曾過付
收留在家招伏除已斷罪外曾一秀取與罪犯若使准首
即係為例事理乞照驗事准此憲臺驗會到

聖旨節該大都有大小衙門裏官人每令吏每要了肚皮的
交臺裏首者外頭有的按察司首者欵此相度既是曾一
秀等自行告發到官即與自首无異合下仰照驗欵依施
行

彈過事理不得准首至元二十一年十二月 中書刑部承奉 中書省劄付御史臺呈按察司凡有察過諸司官吏不公事理其犯人聽知便赴各衙門自行陳首各衙門受理或倒題月日捏今准首不便議得今後遇有臺察并隨處按察司彈過事理明注年月申臺呈省若有隨後自首者並不得受理 都省合下承此

取受出首條例至元二十六年 行御史臺據嶺北湖南道提刑按察司准本道按察使徐嘉議牒該照得漢唐以來律令自首者原其罪蓋念人之犯法或能追悔苟不閉以自新之途恐有意于遷善者死從改過故設為此科以

誘掖之今

朝廷清明疾惡雖甚而首原之條不廢其仁愛忠厚抑亦可知也奈何近年以來官司貪婪成風詎肯无耻或受私賄或盜官錢不知紀極若遇按察司官經過十分為率畧首一二上以塞憲司搜尋下以杜怨家之告安處故位即與无事之人依舊要錢弗改前過屢則獲首首則見原賍雖積而法不加家愈肥而位愈固貪吏不衰庶政不理有此俸門以啟迪耳為此條其到許人首罪可議事目凡十款牒請更為講究可否備申行御史臺着為定例以絕僥倖准此已移牒分司巡按官照依下項事理施行

一諸人犯罪自悔而首官者合准所首其餘勾追到官
省會具狀陳首或逼令認納贓錢若干數少則抑勒
增添如此等類擬合革撥

一察過官吏罪犯勾喚到官問出實情却令寫作首狀
省會免罪此事猶為失體隳法長奸擬合禁斷

一自首取要往往不贖所首錢物止具其數于狀而言
准首免罪之後行移追徵及更占怯不納勾呼催督
有往涉年歲不了絕者今後擬合曉諭首錢之人須
要隨狀贖擎所首錢物赴官陳告如死所首錢物並
不准首其錢明有下落委不在身者不拘此例

一奸猾小人賍污狼籍巡按官到自知不免事發往往
總行出首鈔若干言稱自任以來月日不等忘託物
主姓名通要訖這此錢物官司既將首狀接受收訖
所首錢物諸人欲言者皆不敢告縱有敗露即以已
首之物抵之此奸人之尤者今後自首乞受須要具
寫某年月日因為是何公事受訖某人錢物如此開
豁明白方接首狀告若總錢物而不開寫物主名項
擬合將錢追沒不准所首事發依理取問

一己身犯罪必須己身當官陳首子姪奴隸不許代替
若假托子姪奴隸代取受而首者取問得寔雖准已

首擬合依理斷罪

臣等取受定例至元二十九年七月 御史臺呈准下項
事理仰遵依施行本臺呈先呈欽奉

聖旨節該取與同罪除欽依外照得取受錢物之人惧罪因而
隱諱其與錢之人惧罪亦不肯說而相掩覆人莫能知難
于敗露莫若再降

勅條取與同罪告首者原之對證是實止坐不首者如此則
取與之際互有隱防之心庶幾不敗取與切見目今官吏
首錢取者既已免罪與者亦未嘗斷擬合欽依同罪之條
斷之刑部照得至元二十八年五月二十二日欽奉

聖旨節該如今但是勾當裏行底吃俸錢的不揀甚麼底肚皮
休要者道了這般道了呵要肚皮的人每有罪過斷罪者
欽此本部議得官吏取要事有枉法贓有多寡擬合量其
所犯輕重贓物多寡斟酌科斷黜降與財者在法減受錢
人罪一等不枉法者減罪二等首者原罪不首者依二科
斷黜降 前件議得取受罪名本臺已有
奏准斷例欽依施行

一本臺呈官吏首訖取受止合免斷不合復令勾當及
依例叙用刑部議得官吏出首取受之贓既以准首
免罪難議降黜依例標附通名若職官再犯量事輕

重科斷黜降吏人再首死問所首贓物多寡勒停
前件議得依准部擬施行

一本臺呈官吏首罪往往不肯盡實或因別處事發統
方自言或詭名代替呈告再欲勾問却行逃閃因而
逗遛文字卒難結絕紊亂官司今後應首罪人擬事
輕重權且監收或召壯保羈管行移勘當得所首公
事別無隱漏差異及他處未經事發方許准首省會
寧家刑部議得犯罪未發而自首者原其所犯之罪
今後官吏首罪事重者監收輕者召保聽候取勘是
實別無隱漏詐冒及未經事發者准首原免若知人

欲告而自首者減罪二等或聞知別處事發赴官陳
首計所首日程可知雖是不知仍依知人欲告而自
首者減二等科之詭名代替不在原免之限如犯人
寔有病故許令親屬代替 前件議得犯罪陳首合
驗輕重隨事區處施行

一本臺呈首罪不盡以所餘坐之此舊例也若首罪有
不盡者合死斷罪刑部議得首罪不盡不食者止以
不實不盡罪之 前件議得依准部擬施行

一本臺呈一人先首罪准首原免不改前過再行違犯
又赴官陳告若不原免是玩法也擬合別立條章以

示懲戒刑部照得即與前款首罪例同別難再議

前件議得依准部擬施行

雜犯錢物所在官司出首元貞元年十二月二十八日

行臺劄付准 御史臺咨承奉 中書省劄付江浙行省

咨紹興路申丁堅告張宥誠拖監人口每鈔一定加二起

息利上積利依奉省劄付追問據丁堅告張宥誠將鈔三

十五兩與堅收受到官時休執拖監倪喜奴等贖鈔三十

五兩陳告照得元問張宥誠未肯招承首到鈔兩即係顯

証浙東廉訪分司追照過卷內不應受理切詳丁堅所告

難同官吏要肚皮使見識首錢之比今後民戶告爭詞訟

似此顯証錢物合死受理咨請定奪送刑部照擬得若有
雜犯例應准首廉訪司并所在官司俱得受理參詳丁堅
出首鈔兩即係雜犯合咨行省照會都省准呈除外仰依

上施行

行賕之賍廉訪司出首元貞二年八月行臺准 浙東廉

訪司申温州牒張澤民告隣人蔡友竹為充陰陽教授托

將中統鈔二十貫過典唐令史又將五貫典典吏楊秉各

人不典收接出首到官即係雜犯事理請照驗參詳今後

若有司除見役官吏外其人子姪童僕首告俱係雜犯得

以受理似與元奏奉

聖旨今後不揀誰要肚皮經由臺司出首體例不同訖照詳得此議得張澤民所首元與蔡友竹遇付唐令史為充陰陽教授文字即係行賄官吏之賍難同雜犯今後似此首鈔之人合從廉訪司出首仰依上施行

官吏內外首鈔人御史臺咨大德二年三月初一日

奏過事內一件諸官吏因事收受錢物沒人等告發怕底上頭要錢物來麼道出首呵免他罪過底體例在前

世祖皇帝聖旨有來

裕宗皇帝聖旨有來不揀誰要肚皮呵裏頭有呵臺裏者者外頭的有呵廉訪司首者別個衙門裏首底不教行來這江

南浙東道宣慰使回砲首裏行來的不怕各家底人故詳議各家底人根底因事取受中統鈔二百二十定那裏廉訪司裏問底其間這要錢來底不怕使見識將元要來的鈔就他那宣慰司裏出首與了那裏行省將來底來納了別了體例麼道江南行御史臺咨將來俺商量來不怕要人錢底別了體例首底從去年改元

詔書免了也今已後諸官吏但犯取受悔過出首底有呵依着在前

聖旨體例裏頭底御史臺首者外頭底呵監察每根底廉訪司裏首者不揀那個衙門裏休教首者首呵也不准別了底

呵首底人并那衙門裏官吏交有罪過者這般行呵做賊說謊底人每使見識不得一般

奏呵那般者

聖旨了也欽此

贓罰

官吏收受錢物御史臺作數至元八年二月 尚書省據御史臺呈近為斷事官忽賽因并尚書省令史李元各各收受錢物為此

聞奏過除另行外欽奉

聖旨那陪償錢每分付與他每却教入官倉呵沒體例有那其間裏生出做賊說謊公事來去也今後那般尋出來的錢物您每追出來底您根底有者閹礙人衆的中書省樞密院官人每追下呵分付與您每您每收拾下呵數目

我根前奏者欽此

官吏贓罰鈔至元十四年四月 御史臺據山東東西道
提刑按察司申照得見太安州文卷內管下司縣官吏違
錯取到招伏罰訖俸鈔却作贓罰錢支用即係為例事乞
照詳驗事憲臺得此備呈 中書省照詳去來回奉
都堂鈞旨送兵刑部擬議得府州司縣官員過犯申覆省
部定奪若有合罰俸錢追徵入官外據典史司吏人等本
處官司為有違慢取訖招伏量情輕重不至的決罰到俸
鈔合從本處官司依公支用似為相應都省准呈
動支贓罰錢例至元二十年九月行御史臺先據監察御
史呈照刷隆興府路行中書省文卷內贓罰錢除公支不

應支數為此移准 御史臺咨呈奉 中書省劄付送刑
部照擬回呈該行省圖署支破各無入已除公支名項別
无定奪外據不應支使數目合行追徵還官却緣新附地
面倚閣免徵及于萬億庫照勘到至元十九年至年終應
有發下諸名項錢物內于贓罰錢內支過數目亦有似此
名項仍咨各處行省應有贓罰隨即發下合屬作數不得
動支乞照驗都省准呈除外仰照驗施行
議得擬贓罰錢物至元二十四年御史臺據監察御史呈
按察司合行事理本臺議擬開坐前去咨請照驗行下各
道按察司逐一依上施行

一察司報臺錢穀冊內多將諸人告發到官体察出未經取勘錢物便攢入冊在後多有分揀出死着落等虛數目可令從寔供報 前件今後諸人言告或体察科取不公等事已經承伏必合追徵者攢報入冊如未歸對者候取訖招准詞因下年作數毋致脫漏一察司官吏在任內有合該体察出錢物追徵到官下庫收貯未曾議擬發落別有遷除不經交付見界官吏亦不照勘承行致有相耽埋沒數年者此等尤宜約束無致因循 前件今後凡有追到錢物置簿籍錄專委經歷知事掌管隨即議擬合還主者就便給

散合還官者明白發落合沒官者依問解臺如對歸未定錢數責付本處官司收貯經歷知事常切催問必要日近結絕仍依已行每月一照磨每季一計點死致遷除交代其間相耽埋沒

臺察就便起發贓罰鈔福建行省准 中書省咨據御史

臺呈至元二十九年正月十一日

奏過事內一件在前臺裏察知底贓罰錢物行臺按察司家都將來這臺裏來三五萬定也麼道奏呵奉

聖旨教與窮暴底每來桑哥立尚書省呵外頭行臺按察司有察知底錢呵外頭行省宣慰司總哥府裏教付者麼道這

般

奏准行來俺文書裏覩呵自桑哥立尚書省四年其間內外
察知底鈔大畧底有一十七萬定去年二年底數目未曾
到來裏似這般就外頭交付呵不明白其間裏有做賊說
謊底俺商量得自今年為頭應係贓罰錢依在前體例裏
都將來這臺裏這些個也麼道逐旋提奏或交付省家或
與窮暴底

上位識者這般呵容易打筭有麼道奏呵那般者麼道

聖旨了也欽此本臺議得所遣贓罰沒官錢物各處行臺每上
下半年一次各道廉訪司每季一次差官管押赴臺送納

除已通行合屬欽依

聖旨事意施行

造贓濫冊大德七年江浙行省准 中書省咨刑部呈諸
衙門官吏任滿皆由本部照過今照得臺察造到贓濫冊
內多无條細招詞擬斷黜降緣由擬合劄付御史臺遍行
各道廉訪司將犯人條細招詞緣由追到贓罰隨即行移
有司照會各官解由內明白開寫依上咨報抄連造冊體
式仰行下合屬依上施行

禁例

禁聚飲賚錢元貞元年四月准

御史臺咨據大興縣

賀君用告盧縣尹用羊酒作會呼喚富戶之家賚發典史

董君佐齊欵鈔兩取訖董君佐招伏已將鈔兩追給外據

本人所招難同取受議罪若不禁治切恐在任官吏徇此

為例因而作弊呈奉 中書省劄付議得董君佐替閑置

條羊酒邀請官吏人等取受賚發已行追給雖有招伏元

無禁例難議定罪今後諸官吏在任或得替其間並不得

以酒食邀請部下吏民人等取飲錢物違者治罪外據下

任官員百姓愛慕自願以禮餞送者不拘此例奉此通行

各處照會去後今據山東西道廉訪司申卑司伏念若謂下任官員百姓愛慕自願以禮餞送果无善政及人何至去思如彼苟求其實誠恐難得切恐見任官吏或拜識豪華以為親戚或接引殷富以為交友既不愧于廉恥務貪婪于賄賂在任之時或施小惠替閑之後希望饋贖又各處官員新任及未滿者暗地托詞或令本處豪強諷諭逼嚇鄉耆社長里正人等鳩飲財物以給去官若以為百姓愛慕以禮餞送可乎其間因緣侵渙者有之民受實殃彼施虛惠蓋為己之將來亦欲如此况流俗之情齊之以政教重之以刑盛典為防閑貪奪之弊尚難變革若有啟其

原籍此成風擾民數法莫斯為甚以此叅詳理宜禁止申訖照驗本臺議得官員去職百姓建祠立碑自古有之若許新官豪右百姓人等率飲錢物餞送去官漸啟奸貪之門其間弊倖而有不可勝言者合准山東西道廉訪司所申禁斷相應呈奉 中書省劄送刑部議擬得誠如所言即係設謀巧取假手率飲事屬違法皆非自願理宜彈糾以正貪汚 都省准擬仰依上施行

使臣往治屬取受至大四年十一月江西行省准 中書省咨御史臺呈江南行臺咨廣東廉訪司申本道宣慰司都事楊復狀首至大三年十二月十一日尚書省差來直

省舍人脫因不花再宣使開讀

詔書釋放罪囚取要打發人情至元鈔八定四十七貫文又省會路官首領官將番禹縣見禁凌震羈管者詳再宣使等管擊

詔書到來本道開讀了當即合回還死故坐驛一百餘日扶勢取要科歛打發錢物威嚇官吏見問大辟囚人凌宣慰放令出禁解緩囚情中間弊倖可知申乞照詳本臺看詳朝廷出使人員或賫擊

詔旨或幹辦公務凡所舉措四方具瞻近年以來率多新進年幼不諳大体經營差使惟利是求所至之處死故稽留

搔擾站赤威嚇有司需索錢物干預刑政稍有違拂詬辱百端必也恣情極欲而後去間有告發到官視

朝廷使命莫敢誰何謂如直省舍人脫因不花再宣使越歷行省前到廣海威嚇宣慰司及廣州路官吏科歛錢物脫放罪囚雖輕革撥擬合通行禁治具呈照詳送刑部呈議得前尚書省直省舍人脫因不花再宣使開讀

詔書疎放罪囚威嚇官吏于預刑政挾勢取要打發錢物欵遇厚免別無定奪以此叅詳今後出使合從各衙門量事輕重選差有職役練達事體之人如至總司事畢即令回還直隸本郡果有必合催辦公事須令各管上司轉行差

人幹辦差去官不許經往治屬擾害官府或取受錢物違者從各道廉訪司就便追問相應具呈照詳都省咨請依上施行

雜例

羅織清廉官吏大德七年江浙行省准 中書省咨胡平仲言問事官員循私之弊大凡官員不要肚皮者中心委无所嫌未免見上司官吏耻于趨媚似若簡傲其上司官吏該使非人因此嗔恚私意尋事羅掘甚有悞使奸豪猾吏誑詞虛告以無為有互相強證或妄攀本官眷屬或考掠奴婢指證百端侵辱畫時逼勒招承衙冤負枉无所伸雪又有一等譁徒專務把持官府為生或因前項官員請託不從多方計囑在上衙門非理不時差委使其奔馳道塗不得安坐設使此計不行即便虛捏事件直經上司謫

告買人証對如此設計傾陷甚是不便合死行移各處禁治今後問事官但有挾私曲斷体察是實斷罪默降其奸豪猾吏把持官府者置立板榜所在官司懸掛仍大字書寫粉壁再犯斷罪移徙以懲後來比以明刑之要務送刑部議得今之官吏貪邪奸狡者自有過必加誥媚監臨問事官司以為慕己更或窺伺所好私弟營求必得舉明其律身廉潔者心既死慊恥于趨迎及稱簡傲百端尋事證辱被害誠如所言以此叅詳問事官員因公挾私致有枉入人罪者驗輕重斷罪降叙相應都省准擬咨請遍行合屬依上禁治施行

有俸人員不須羈管延祐二年七月廉訪司牒承奉奉使宣撫劄付據袁州路民戶孫立山告分宜縣吏陳通等因勾喚立山母親對証孫萃四身死取受鈔定事仰就便依例追斷奉此檢照得近准總司牒承奉江南行臺劄付准御史臺咨


奏准整治事內一款各道廉訪司遇有諸人陳告官吏取受等事今後凡告官吏取受驗事輕重事重者隨即依例追問事輕者止當羈管元告過付緊關之人候分司巡歷到期追問或事于人衆宜從本司依例選委有司廉幹官就問分辨其事其官吏既係請俸見役人員如或避罪在外

自有定例不須行移羈管擬合通行禁止前件議得今後
元告通付緊關之人驗事輕重臨時從宜區處餘准所擬
開坐請欵依施行准此除欵依施行外今奉前因憲司牒
可照驗除請俸人員外即將其餘人數依例羈管聽候施
行



三

刑部
諸盜一



刑部卷之十一

諸盜一

三四五六七八九一

大德元定十十十十十十百

七杖六杖七杖八杖九杖一

流處死

強持仗

典章四十九

未謀從

行而傷人

以下十貫

每十

至四

十貫

聖道齋

豁車傷事

子刻不主

房子傷會

的賊主事

偷盜怯列

駝馬司農

牛賊常盜

偷驢騾賊

偷羊猪賊

但得財不傷會主財得

為從的
斷○徒
二年半

為從的
斷○徒
三年

為從的
○出軍
皆斷○
於內有
舊賊呵

於內有
舊賊呵
交出軍

為從的
斷○徒
三年

為從的
○出軍
初犯為
首的斷
○出軍
於內有
舊賊呵

為從的為首的
斷○徒
一年半
二年

為從的為首的
斷○徒
一年
一年半

大德元定配役三年

不刺斷

舊色目人

第二遍
第三遍
第四遍
做賊
罪免刺

漢兒高

一遍做賊經
刺再拿獲
是第二遍
是第四遍

舊賊再做賊
理看經刺
色奪色
幾奪色
在奪色
拿獲
依着
漢兒高
色目人
除漢兒高
色目人
後發其
罪相等
勿論

賊

麗蠻子

延祐新定

徒三年

出軍

敲

會經出軍配
役的再做賊

偷十貫
以下的
再為首
犯人

合刺的依舊的刺字除
這的外該載不盡事理
依舊例行

比同竊盜比同強盜同傷人倫 一体定立捕盜官兵罪賞

無人居止 故燒官府

空閑房舍 解舍私家

并損壞財 宅舍賊人

物蓄產及

田場積聚

之家

終非正犯擬免刺字

依犯時月日估計追陪鈔結主父首子放火減等罪塔燒妻家房舍斷罪所聽放火燒親屬房舍如以卑犯尊同凡人論

皇慶新例今後若有故燒官府解字有人居止舍宅賊人無問舍宇大小財物多寡比同強盜免刺決一百下徒役三年因而殺傷人者依例斬斷其死人所居室房并損壞財物及田場積聚之物比同切盜免刺驗依例決遣居後仍各追陪所燒物貨敢有再犯決配役滿遷徙千里之外

放

火

發

塚

已發 開棺 殘毀

墳塚 擲者 尸首

依例刺字

子孫掘祖宗墳內財物雖是自首亦行沒官 子孫發掘祖宗墳塚盜取財物貨賣塋地驗所犯輕重斷罪移尸骸不為祭祀同惡逆結案買地人知情減犯人罪二等不知情臨事詳決

強竊盜

強切盜賊通例大德六年三月江浙行省准 中書省咨

該近為強切盜賊斷例不一欽依

聖旨事意與御史臺也可札魯忽赤一同分揀前後行過體例

斟酌輕重定到各各等第於大德五年十二月二十六日

奏奉

聖旨節該依着您定來的體例行者又偷頭口的賊人依着蒙

古體例教陪九箇斷放有如今也則依着那體例行者高

量來麼道

奏呵奉

聖旨那般者欽此都省今抄断例前去咨請欽依施行

諸強盜持杖但傷人者雖不得財皆死不魯傷人者不

得財徒二年半但得財徒三年至二十貫為首者死

餘人流遠其不持杖傷人者惟造意及下手者死不

魯傷人者不得財徒一年半十貫以下徒二年每十

貫加一等至四十貫為首者死全各徒三年若因盜而奸亦

同傷人之坐其司行人上依本法謀而未行者於不得財罪上各減

一等坐之

諸切盜始謀未行者四十七已行而不得財五十七十

貫以下六十七至二十貫七十七每二十貫加一等

一百貫徒一年每一百貫加一等罪止徒三年盜庫

藏錢物者比常盜加一等贓滿至五百貫以上者流

諸共盜者併贓論仍以造意之人為首隨從者各減一

等二罪以上俱發從其重者論之

諸盜經断後仍更為盜前後三犯杖者徒三犯徒者流

又而再犯者死強盜兩犯亦死須據赦後為坐

諸切盜初犯刺左臂謂已得財者再犯刺右臂三犯刺項

強盜初犯刺項並充警迹人官司物檢閱防一如舊

法其蒙古人有犯及婦人犯者不在刺字之例

諸評盜贓者皆以至元寶鈔為則除贓外仍追陪贓其

有未獲賊人及雖獲死可追償並於有者名下均徵
諸犯徒者徒一年杖六十七一年半杖七十七二年杖

八十七二年半杖九十七三年杖一百七皆先決訖

然後發遣合屬帶鐐居役應配役人逐有金銀銅鉄

工役去處所就工作令人監視日計工程滿日諒於

諸盜未發而自首者原其罪能捕獲同伴者仍依例給

賞其於事主有所損傷及准首再犯不在首原之例

諸盜賊既有頒定條例今後杖以下罪府州追勘明白

即听斷決徒罪總管官司公廳完坐引其囚人明示

所犯罪名取責准服文狀然後決配仍申合干上司

照驗流罪以上須牒廉訪司官審復無冤方得結案

依例待報其徒伴有未獲追會有不切而不能完備

者如服審既定証驗明白理无可疑亦所依上歸結

証驗謂元盜衣服器物及一切可為証驗者

諸人告獲強盜每名官給賞錢至元鈔五十貫切盜二

十五貫親獲者倍之獲強盜至五人與一官其捕盜

官及應捕人如本境失過盜賊而捉獲別境作過賊

人者聽功過相折數外合理賞者比常人減半獲強

盜至五人捕盜官減一資歷至十人應捕人與一官

捕盜官陞一等其承他處公文及諸人告指而獲者

不在論賞之例

諸失過強切盜賊遠限不獲當該捕盜官兵並依已行

新例決罰 弓兵一月不獲強盜決一十七下切盜一十七下三月不獲強盜再決二十七下切盜一十七下三月不獲強盜再決二十七下切盜一十七下

下捕盜官強盜罰俸兩月切盜罰俸一月限內獲賊及半 其捕盜官任滿通行照勘如不獲強盜三起切

盜五起各添一資歷不獲強盜五起切盜十起各降

一等捕盜官兵知而不行告捕減犯人罪一等力已

獲賊受財晚放與同罪贓多者從重論至死者徒三

年常人減二等

舊賊再犯出軍大德八年六月初十日 江西行省准

中書省咨大德八年正月二十二日奏去年秋間賊每多

有麼道所得有賊每根底整治的上頭交衆官人每商量

者麼道

聖旨有來省官每也可札魯忽赤每擬定行來的斷賊的体例

文字在大都有得上頭不曾擬來麼道前者大都出來時

分奏呵奉

聖旨您廻去與省官院臺官每也可札魯忽赤等一處商量了

擬定者麼道

聖旨有來俺衆人商量來舊賊每根底不流遠的上頭賊每多

了的一般有如今舊賊每三遍做了賊經刺的賊每如今

聖道齋

拿獲呵是第三遍有這的每也交出軍又一遍做了賊經
刺來的賊再拿獲呵是第二遍有這的每交配役三年色
目人每做賊呵不刺三遍做了賊如今拿獲呵是第四遍
有也則依那体例交出軍又兩遍做了賊拿獲呵是第三
遍有這的每也交出軍又一遍做了賊再拿獲呵是第二
遍有將這的每交配役三年又色目人骨頭的闊端赤每
根底不刺高麗漢兒蠻子濶端赤每根底刺字高量來麼
道奏呵那般者麼

聖旨了也怯列裏故意一遍偷馬的交出軍在先曾做賊又經
第二遍怯列裏偷馬呵就者高量來麼道奏呵那般者

聖旨了也欽此

斷賊徒例粉壁曉諭大德九年四月 湖廣行省准

中書省咨蒙古文字譯該中書省官人每根底實哥為頭
也可札魯花赤言語左右司呈近來奏奉

聖旨舊賊每不流遠的上頭做賊的多了 云云見前配 役出軍例至 那般者

聖旨了也近據大都路申賊人楊瘦兒在先四遍偷鈔經斷四
遍有來如今又將羅興小名人的鈔偷了的上頭交他出
軍去了也俺參詳此等愚頑之人不知新定体例誤入這
般罪過去有如今怎生般諸路裏行榜文仍於村坊鎮店
排門粉壁曉諭諸人呵舊作過的人每也改了有別箇人

每也怕有不作罪過有麼道呈的上頭俺商量來怎生般
依他每呈來的行榜文交立粉壁的省官人每識者得此
送據刑部議得也可札魯花赤所言新定賊人配役出軍
体例如蒙准呈遍行出榜粉壁曉諭相應都省准擬除外
咨請依上施行

流遠出軍地面大德十一年正月行臺申強盜持杖傷人
法不所容其不傷人者又以得財不得財分別輕重得財
至十貫為首者死餘人流遠強盜合徒因數帶鑊居役滿
日收充警跡人常有逃逸因而再犯所犯流遠賊人緣
奏准明文不會定到里數并合流去處何地所是何官司交

割別死所守通例等事申乞照詳得此照得近准御史臺
咨承奉中書省劄付蒙古譯該中書省官人每根底寶哥
為頭也可札魯忽赤每言語山東宣慰司大都路真定隆
興河澗廣平等路申四遍做賊曾經刺斷犯在

赦前輩後一遍做賊的怎生理等麼道又出軍的不知何處
出軍有合出軍的合死刺斷又未審何等為色目人麼道
申明降來俺照得大德八年三月二十三日奏去年秋裏
全文見舊賊再犯出軍條 欽此又大德八年八月十二日欽奉

聖旨節該在先合出軍的賊每根底
上位奏了交出軍有來如今合該出軍的罪過的依在先体

例

上位奏了出軍呵合出軍罪過的多停滯一般有俺與阿忽台丞相等商量來但到今該出罪過的死隱諱的賊人根底再

上位不奏依着擬定來的交出軍呵怎生商量來麼道奏呵那般者

聖旨了也為那上頭俺商量了舊賊每再做賊呵聽着經刺來的前後捏定奪色目人做了幾遍麼道問了招了呵在先不曾拿獲如今拿獲招了呵依着他招了的理實除漢兒高麗蠻子人外俱係色目人有合出軍的賊根底不刺

斷交出軍有來如今則依先例合出軍的明白問了死隱諱呵令各路官司依例發遣漢兒蠻子人中解遼陽省發付大帖木兒出軍色目高麗人申解湖廣省發付劉二拔都出軍交出軍去了的罪囚數發訖月日申解也可札魯忽赤配役的罪囚依例刺斷了交配役者亦依俺根底申報者說定未麼道商量來如今怎生交各處行文字的省官人每識者別箇緣故漢兒文字裏粘連去也得此都省准擬仰照驗施行又例見后

極治盜賊新例至大四年七月二十五日欽奉

皇帝聖旨諸王附馬每根底四薛怯官人每根底各枝兒裏頭

目每底萬戶千戶百戶每根底軍官每根底軍人每根底衆百姓每根底宣諭的

聖旨衆官人每商量者奏有月日山慰山斗周圍有的見火攤每幾里羊罕脫脫憐每脫脫的收聚來的伯牙兀每秀才千戶的八魯刺思每哈百千戶的瓮吉刺每阿刺蠻十戶的旭申等喂做賊說謊有麼道做來在先為做賊說謊的上頭

完澤寫皇帝交各還元籍去了有來如今又聚集着有麼道說有如今將這的每只依舊各還元籍去者麼道來這裏怯薛裏行的每的濶端赤落後的交有額數者教駝每

使長每好生拘鈴着休縱放的漫散行者這般宣諭了呵額數之外的人每不交發將去的他每使長每根底要罪過者教去的人每若不還元籍這壁那壁隱匿着行呵隱藏的隱匿的人每有罪者今後豁開車子的初犯呵追了陪贓打一百七下再犯呵追了陪贓打一百七流遠有三犯呵敲了者又怯烈司偷盜駱駝馬匹牛隻初犯呵追九箇倍贓打一百七流遠者再犯呵敲了者又外頭偷盜駱駝馬匹牛隻的初犯呵追九箇陪贓打一百七者內若有舊賊每呵數他先做來的次數依已定來的例合配役的交配役合出軍的交出軍者先不曾做賊的每開讀

聖旨之後再犯呵追了陪莊打一百七流遠者三犯呵馱了者偷盜錢物羊口驢畜的依先已定來的例要罪過者殺了人的馱了者又為自已交茶行的上頭做賊說謊多了的緣故是這般有揀那裏去呵交本管頭目每根底這些人這些馬去了也道要脚引文字行者若回來時分本處頭目每根底這索要了人馬數目文字回來者般宣諭了呵元文字行的人每拿住呵要罪過者拿住的人每根底錢物頭匹內與賞者道來

聖旨猪兒年七月二十五日

盜賊各分首從皇慶二年六月 中書省咨照得至大四

年七月二十五日欽奉

聖旨節該今後豁開車子的云云止殺了人的馱了者欽此已

經通行去訖回准蒙古文字譯該中書省官人每根底寧哥為頭大宗正府也札魯花赤言語有偷豁開車子的偷盜駝馬牛隻的起意來的做伴當來的一休斷呵恐差池的一般有如今怎生明白俺根底與將文書來的省官人每識者為此送擬刑部呈檢會到大德五年十二月二十六日

奏准強盜切賊斷例內諸共盜者云云止從其重論之欽此

除欽遵外本部議得諸人切盜例合欽依分別首從上項

賊徒既為切盜比例科以首從之罪庶使刑法得中人死
寃濫得此皇慶二年正月二十九日

奏遇事內一件也可札魯忽赤俺根底與文書去年達達官
人每奏了賊人豁開車子的初犯打一百七再犯流遠三
犯典刑者又怯烈司裏偷盜駝馬牛隻的追了倍贓打一
百七流遠者再犯呵典刑者偷盜財物羊口驢畜的依先
已定來的体例要罪過者道來為首為從的不分揀一体
要罪過呵誠恐差池麼道俺根底與將文書來呵交刑部
擬來合分首從要罪過麼道說有奏呵那般者麼道
聖旨了也欽此

處斬盜賊斷例延祐二年五月 江西行省准 中書省

咨蒙古文字譯該中書省官人每根底

按渾察大王為頭大宗正府也可察魯忽赤言語俺眾人商
議定

上位奏瀾瀾出司徒阿撒罕大師帖木迭兒丞相塔失帖木兒
知院伯忽大夫哈散丞相滅怯秃丞旨完澤知院也先帖
木兒知院朵歹院使章閻平章帖木兒脫也同知瀾徹別
丞旨買驢同知床火兒副樞瀾瀾出荅刺罕十得同簽等
眾官人每商量定

上位奏了俺根底與將別里哥文書來近間賊每多了的上頭

偷大頭口的賊每兩遍偷大頭口的每根底又強盜賊每根底這的每敲一遍偷大頭口的每根底教奴兒于地面裏出軍偷羊賊每根底比先例加等要罪過者商量來麼道奏呵那般者教行文書者麼道

聖旨了也麼道俺行與將文書來有於內為首的為從的同謀不會上道的已行而不得財的又舊賊每根底偷財物的又合出軍的賊每根底斷的不斷的豁車子剗房子的怯列司裏偷大頭口的將這的每怎生般斷的不明白有

薛禪皇帝將賊每休教放者麼道

聖旨有來如今將賊每斷放了的上頭賊盜多了有俺商量來

今後強盜持杖傷人的雖不得財皆死不魯傷人不得財斷一百七徒三年但得財斷一百七交出軍至二十貫為首的敲為從的一百七教出軍不持杖傷人造意為首下手的敲不會傷人不得財斷八十七徒二年十貫以下斷九十七徒二年半至二十貫斷一百七徒三年至四十貫為首的敲余人斷一百七出軍因盜而奸同強盜傷人敲餘人依例斷罪兩遍作賊的敲始謀而未行與不會得財減等斷罪又豁車子剗房子的賊每傷事主的起意的下手的敲為從的斷一百七出軍不會傷事主但得財皆斷一百七出軍於內有舊賊呵敲不會得財為首的斷一百

七徒三年為從的斷九十七徒二年半於內有舊賊呵出軍又初犯怯列司裏偷盜駝馬牛賊每為首的敲為從的斷一百七出軍於內在先作賊第二遍於怯列司裏偷大頭口的敲又初犯偷盜駝馬牛賊每為首的斷一百七出軍為從的斷九十七徒三年於內若有舊賊呵敲又偷盜驢騾賊人為首的斷八十七徒二年為從的斷七十七徒一年半又偷盜羊猪賊人為首的斷七十七徒一年半為從的斷六十七徒一年又偷財物賊人三百貫以上者斷一百七出軍一百貫以上者斷一百七徒三年八十貫以上者斷九十七徒二年半六十貫以上者斷八十七徒二

年四十貫以上者斷七十七徒一年半十貫以上者斷六十七徒一年十貫以下者六十七斷放為從者皆減一等斷配以至元鈔為則又已行而不得財者斷五十七始謀而未行者四十七斷放又偷盜係官頭口錢物比常人加等斷罪又曾經出軍配役來的再做賊呵敲經斷放偷盜十貫以下的再做賊呵為首出軍為從徒三年合刺的依舊例刺字除這的外該載不盡事理依舊例行呵怎生麼道奏呵那般者依着您每商量來的行文書者麼道

聖旨了也木刺忽怯薛第二日

嘉禧殿內奏時分速古兒赤也奴院使牙安的斤等有來延

祐元年十二月二十一日欽此都省咨請欽依施行
出軍賊人差人鋪馬押送延祐三年四月江西廉訪司奉
江南行臺劄付近據監察御史呈刷出湖廣行省文卷一
宗為賊人唐旺李弟子已經三犯依律發付遼陽行省出
軍至今數載未曾到彼蓋是官司失行致此宜從合于部
分講究關防庶絕奸弊具呈照詳得此移准 御史臺呈
奉 中書省劄付蒙古文字譯該也可札魯忽赤延祐二
年正月初四日

奏過事內一件出軍的賊每在先

薛禪皇帝時分至今合流將東壁去的至遼陽行省合流將迤

南去的至湖廣省從這裏鋪馬差人交押送去有來近間
將這勾當住罷了交城子裏轉遞送的上頭將有罪的人
沿路也有脫走了的麼道如今俺根底與將文書來的也
有如今依在先例差人鋪馬裏交押送去那麼道奏呵那
般者依先例鋪馬裏差人交押送去者麼道

聖旨了也欽此都省仰欽依施行奉此今承見奉本部議得監
察御史所言發遣出軍賊徒別死常押之人以致在迤遼
限不到等事既已

奏准差人馳驛押送擬合欽依

聖旨事意施行仍驗地里遠近約量給限須要取收管公文若

有疎虞元差并所在官司臨事詳酌究治如此庶革奸弊
具呈詳照都省仰依上施行

賊人出軍免刺延祐三年六月吉安路奉 江西行省劄
付該照得先據本路申劉貴和失盜獲賊熊王孫招先犯
切盜三度兩經刺斷今犯不合于延祐二年八月十三日
切盜訖劉貴和銀把鉶一箇銀竹節釵一隻銀小花頭釵
一箇估贓計至元鈔七貫勘會前犯相同例合出軍除將
照王孫依例刺項決杖六十七下差人遞發遼陽行省收
管外乞照驗得此移准 中書省咨送據刑部呈照得延
祐二年十一月初九日奉省判四川行省咨廣元路保寧

府閬中縣申事主小李馮慶二告被盜水牛金銀頭面等
物公事取到賊人馮咬住招詞送刑部議得賊人馮咬住
先犯大德三年偷盜李筆子川羊二口已經刺斷今犯延
佑二年正月初九日又行切盜小李金銀頭面馮慶二水
牛既係承奉

奏准盜賊通例之前擬合照依舊例區處相應都省議得賊
人馮咬住所犯擬合欵依延祐元年十二月二十一日
奏准盜賊通例區處仰照驗施行奉此又照得大德八年盜
賊通例內節該合出軍的賊根底不刺斷交出軍有來如
今則依先例合出軍的明白問了無隱諱呵令各路官司

依例發遣及照得延祐元年十二月二十一日

奏准盜賊通例即該經斷放偷盜十貫以下的再做賊呵為首出軍為從徒三年合刺的依舊例刺字除這的外該載不盡事理依舊例行欽此除欽遵外今承見本部議得賊人熊王孫兩犯切盜俱經刺斷今犯偷盜劉貴和銀把盞等物罪犯合免刺出軍今吉安路已將賊人羅王孫刺項杖斷六十七下申解遼陽行省出軍今吉安路已將革前欽依原免元刺字樣合咨遼陽行省塗去相應具呈照詳得此請依上施行

盜賊出軍處所延祐四年三月

江西行省准

中書省

咨四川行省咨諸賊人先犯切盜經刺欽遇

赦恩之後再犯偷大頭口駝馬牛者合死以

赦恩為坐又偷驢騾并猪羊等賊如曾先犯切盜經官刺斷

者即係舊賊不見如何處斷及各各陪贓是否止以舊例

追給蒙古色目有犯例該免刺外未奉坐到一体科罪定

例况奴兒干隸屬遼陽行省相去萬里之外不免經腹裏

轉遞事有未宜今後有犯莫若止發雲南湖廣行省收管

至于極邊地面出軍准復別有區處緣係為例事理咨請

照詳准此送刑部照得大德五年十二月二十六日

奏奉

聖旨節該諸盜經斷後仍更為盜前後三犯徒者流流而再犯者死強盜兩犯亦死須據赦後為坐又大德八年二月二十二日欽奉

聖旨節該色目骨頭的濶端赤每不刺高麗蠻子申解遼陽省發付大帖木兒出軍色目高麗申解湖廣省發付劉二拔都出軍又至大四年七月二十五日欽奉

聖旨節該外頭偷盜駱駝馬足牛隻的初犯呵追九箇陪贓打一百七下者又延祐元年十一月二十一日欽奉
聖旨節該曾經出軍配役來的再做賊呵敲經斷放偷盜十貫以下的再做賊呵為首出軍為從徒三年欽此本部議得

蒙古色目人有犯斷罪免刺賊徒出軍處所合追陪贓等事合依

奏准定例所據切盜魚經刺斷

赦後再犯既延祐元年十二月二十一日

奏准盜賊通例節文該載不盡事理依舊例行者以此參詳

上項事理擬合移咨行省欽依施行又例 四月二十八日杭州路吏見前 呂憲承

入官倉庫偷錢物底敲了延祐四年六月江西行省准

中書省咨刑部呈大都路脩兵馬司申捉獲偷盜萬意綺

源庫緞足賊人王留住取訖本賊招詞行移審復死冤及

取訖搜封不嚴軍人管成等二十五名軍官百戶郝榮祖

等二名俱各不為用心搜封致令賊人王留住入庫作賊
罪犯是實得此本部再行議得賊人王留住所犯於萬億
綺源庫撥開教門於架子盜訖緞子二疋用麻繩束縛撒
於地上本賊止于教內宿睡就盜所捉獲盜物在手比同
得財估贓至元鈔七十八貫依凡盜例應杖斷八十七下
徒役二年盜係官錢物加等九十七下徒役二年半却緣
本賊又將寶元庫正教東北墻角剗訖減磚二十餘箇以
剗房不得財為重例應杖斷一百七下徒役三年搜封軍
人管成等一十五名所招罪犯若便照依搜封不嚴致令
賊人入庫罪犯科決緣各軍二十六日早晨搜封親獲到

官擬合量情各答決三十七下還役百戶郝榮祖崔堅二
名所招不為用心搜封以致王留住入庫作賊罪犯量情
答決二十七下相應得此都省議得除軍人管成等二十
四名軍官百戶郝榮祖等二名各照不為用心搜封以致
王留住入庫作賊依准部擬罪斷從樞密院別行替換據
賊人王留住所犯延祐四年三月二十六日

奏過事內一件刑部官人每與俺文書今年閏正月二十五
日夜間王留住名字的人入萬億庫去偷了二疋緞子剗
折寶源庫磚二十餘箇不曾得財明白招狀了也監察每
審復死寃合斷一百七下配役三年麼道與了俺文書有

况兼豁了庶民的房車剗開窰有定例偷盜官庫錢物的
无定例有漢人伴當每只說例有

皇帝聖旨了呵便是例也者俺商量來入官庫去偷了物的人
難同其餘賊盜有若斷了罪過交配役呵不中也者如今
将那賊人典刑了誠諭衆人各處行將文書去今後以般
這入官倉庫去偷錢物底賊根底敲了做通例呵怎生商
量來奏呵那般者麼道

聖旨了也欵此都省咨請欵依施行

剗豁土居人物依常盜論延祐四年九月江西行省准

中書省咨刑部呈順德路申推官朱承德牒廣宗縣獲賊

吳九兒與逃賊重大秃兒將王德義瓦房後墻剗開窰穴
偷盜訖財物若依剗房子例斷遣未審外路與大都是否
一体申乞照驗本部議得札魯花赤

奏准前例蓋為怯薛互諸色人等隨從

車駕及野處行營之家凡有資囊行李盡隨車輛帳房居住
去處又无城郭垣籬遇有剗房路車之盜所以重法繩之
使人不敢輕犯今内外官府往往將州城村落穿窬取財
伏轅切物賊徒准依上例一体科斷其失

朝廷立法之意以此叅詳今後如有將土居人民房舍行駕
車輛剗豁而取財物者照依切盜計贓定罪強取者以強

盜論具呈照詳得此照得皇慶元年三月十三日

奏過事內一件也可札魯花赤俺根底與文書根脚裏

成吉思皇帝時分立札魯花赤呵諸王駙馬各怯薛歹各愛馬
蒙古色目人每奸盜詐偽婚姻駙良等事交管來至元二
十二年漢人有罪過呵也交俺管來前者奸盜詐偽婚姻
駙良等事歸斷有明白與將文書來的說將來有俺商量
來四怯薛諸王駙馬外頭的達達色目兀魯思千戶每的
奸盜詐偽自其間裏有詞訟勾當呵交札魯花赤歸斷呵
怎生奏呵奉

聖旨那般者欵此除欵依外今據見呈都省除外咨請欵依施

行

杭州路吏趙世澤承行十月十二日旨揮

偷頭口

達達偷頭口一箇陪九箇至元二十九年三月 中書省
咨據札魯花赤呈准上都札魯花赤咨免兒年三月二十
五日據律律官人等

上位奏去年秃秃哈

奏有來賊每根底九箇家斷沒者麼道如今賊每所得多有
起意偷來的每根底体例裏合敲底敲做伴當偷來的每
根底七十七下一箇根底九箇斷沒九箇頭口無呵他的
女孩兒駝人斷没人頭口裏准折斷沒呵十五歲以下身
材到底他的女孩兒有呵五箇頭口裏准折斷沒十五歲

以下十歲以上三箇頭口裏准折斷沒十歲以下或女孩
兒或驅人他的有呵斷事的札魯花赤勘酌斷沒者商量
未麼道

奏呵依着您的言語者合獻的罪囚每奏將來者体例裏合
斷的那裏斷者麼道

聖旨了也欽此

漢兒人偷頭口一箇也陪九箇至二十九年九月行御史
臺准 御史臺咨承奉 中書省劄付近於該至元二十

九年正月十一日

奏過事內一件達達家偷頭口的賊每根底斷沒九箇重的

敲了輕的斷放有漢兒賊每不那般斷有衆人商量說者
麼道

聖旨有來俺月兒魯那顏等衆官人每根底商量來如今漢兒
賊每偷頭口呵也則依那体例陪了九箇重的敲了輕的
刺斷者漢兒田地裏偷了諸般錢物的賊每根底依着在
先

聖旨斷呵怎生麼道商量來奏呵那般者麼道
聖旨了也欽此

驅奴就斷與頭口的主人至元三十年八月福建行省准
中書省咨見忽都為頭扎魯花赤呈近為各處捉解到偷

馬牛頭匹等物賊人多係諸人驅奴別梯已頭匹亦無女孩兒合追陪贖無可追給為此於至元三十年五月十二日

奏過事內一件月兒魯官人一處商量來人的奴婢事甚麼沒做賊呵要了罪過放有頭口的主人根底消泛了一般有他的使長自己人用自呵贖要者不用自呵就將他頭口的主人根底斷與呵怎生麼道

偷頭口賊依強切盜刺斷大德七年四月江浙行省准中書省咨該陝西行省咨儉會到中書省至元二十九年正月十一日

奏過偷盜頭口賊人斷例及大德六年中書省

奏准定到斷賊盜例又偷頭口的賊人依着蒙古體例教陪

九箇斷放

云云

坐到斷例一款諸切盜初犯刺左臂再犯

刺右臂三犯刺項並充警踰人官司初檢關防一如舊法其蒙古及婦人不在刺字之例欵此不見開到合刺面賊徒除將偷頭口賊人權依今次定到切盜刺臂斷放了當今後若有捉獲此等賊人除已依上刺臂斷放外緣係通例咨請定奪又准江西河南行省咨行亦為此事未審於何處刺字准此送刑部議得該頭口的賊人已蒙都省奏准依自蒙古例教陪九箇據刺字一節合依

奏准強切偷例一體剝斷通行照會相應都省准擬

盜猪依例追陪大德七年三月江西行省准 中書省內

咨一款撫州路申陳四黃千二名狀招大德六年七月初

一日夜偷盜訖吳景瑞家公猪一口母猪一口及小母猪

一口府司覆詳所盜猪隻未審與盜頭口例同申乞照詳

得此看詳所申事理合死比同盜偷牛馬羊畜例請照詳

事刑部照得大德五年十二月二十六日

奏准節該偷頭口的賊人依着蒙古体例教陪九个斷放有

如今則依着那体例行者麼道奏呵奉

聖旨那般者欽此所據陳四等偷盜吳景瑞猪三口擬合依例

追陪相應前件依准部議施行

盜牛革後為坐延祐三年正月 江西行省准 中書省

咨未咨贛州路申雩都縣羅四二告被盜牛隻公事責得

賊人胡萬五狀招不合於延祐二年三月十一日前往亂

葬岡見黃牛五頭內有烏色黃牛牯一頭萬五盜牽前頭

牛隻往贛州路南營變賣被捉到官招伏是實參詳賊人

胡萬五先犯至元三十一年同蔣百三偷猪分食剝額杖

斷六十七下今次偷盜羅四二牛隻若以舊賊論罪緣本

賊先犯別非偷盜大頭口又兼累經

詔革合死以今犯斷一百七下出軍今後以此偷盜牛馬

賊徒於內但有先犯強切盜財物曾經刺斷之人未審合
死皆作舊賊處斷事于通例咨請照詳准此送刑部議得
賊人胡萬五先犯至元三十一年與百三等偷猪分食斷
訖六十七下刺額今犯延祐二年三月十一日偷盜羅四
二牛隻欲行貨賣被捉到官參詳本賊先犯偷猪分食至
今二十餘年不曾作過例合除籍又大德五年盜賊通例
諸切盜前後三犯杖者徒三犯徒者流流而再犯死須據
赦後為坐胡萬五前犯既係延祐元年十二月二十一日已
前累經

詔赦事理似難通理合自革之後定論相應具呈照詳

都省准擬咨請依上施行

郭回軍盜驢延祐五年二月初四日行中書省准

中書省咨准陝西省鞏昌等處都摠帥府呈准陝西漢中
道廉訪司牒按治至隆德縣照刷出本縣延祐三年三月
初三日有事主何阿都赤并賍捉獲盜驢人郭回軍取到
本人招狀照勘得郭回軍與事主何阿都赤係同使軀口
各另住坐靜寧縣比依親屬相盜例免刺徒役不追倍賍
斷訖八十七下賍放了當其另居軀奴相盜不見定例牒
請就呈合干上司施行准此本省看詳賊人郭回軍切盜
同軀何阿都赤驢畜罪已斷訖若比親屬相盜免刺徒役

不追倍贓事干通例宜令合干部分定擬相應咨請回示
准此送部議得賊人郭回軍切盜何阿都赤驢畜既係同
使軀奴難比常人定論既已斷訖合准陝西行省所擬相
應具呈照詳得此都省准擬除外咨請依上施行

評贓

正贓仍追倍贓 見前強切盜通例第六條

盜贓死償折償至元九年十月二十二日歸德府為睢陽
縣賊人倪順等打劫訖不識事主財物已將賊人斷訖據
合追正贓各賊家貧无可追徵申奉到 中書兵刑部符
文該欵奉

聖旨條畫內一款節該盜賊正贓於犯人名下追徵如委死正
贓以他物折償无可償者折庸准筭如年限未滿本人身
死子孫不在折庸之限欵此

賊贓詳審本物大德三年四月 江西行省照得賊盜之

獄以贓物為先承捕弓兵緝探未明限期已到却乃捉捕
疑侶之人贓物无可追索或勒取於被盜之家或責辦於
頭目之手甚至捕人自為收買捏合以為正賊真贓誣服
之人已經煨煉何敢不承若主之家但圖得贓亦復妄認
憑此結案以致无辜之人枉遭誅滅淹禁身死者不可勝
計議得各路仰通行合屬今後捕盜官司凡遇受理被劫
詞狀須要審問所失物件條細件目令事主封記用印關
防回避捕人不令知會將元告被失物件發下捕人根索
直候根到贓物然後令元告事主當官一同開封下驗如
與元告相同即是真贓如有差異別行根索侶望不至泛

濫省府除外合下仰照驗施行

遇格免徵倍贓大德四年四月

江西行省准 中書省

咨來咨肇慶路高要縣申朱聰招狀不合于大德二年九
月二十四日糾合鄧宥一同偷盜陳成中樣黃牛母一隻
宰殺各人罪犯大德三年二月二十九日欵遇

詔書減輕決遣不曾全免本罪據陪贓牛隻未審合死徵給
又兼不曾刺字係為例事理咨請回示准此送刑部照得
中統五年八月初四日欵遇

聖旨條畫一款

云云見警跡人類

又至元三十一年十一月奉

省劄付河南行省咨賊人張和盜馬一匹正贓已行追給

將本人刺斷陪贓追徵間欽遇

詔書檢會到至元二年三月欽奉云云見前兄償折庸類議
得張和盜馬一匹照依欽奉

聖旨條畫合追正贓已行追給所據陪贓擬合欽依革撥如已
追給本主者別死定奪 都省准呈了當所據賊人朱聰
鄧宥偷盜事主陳成黃牛一隻宰殺罪經欽遇

詔赦減輕決遣本部參詳科斷盜賊皆據所盜正贓斷罪仍
追陪贓蓋為情理難容今既遇

恩本罪得減正贓死問費用見在全追給主不魯隨罪減徵
外據陪贓即非元盜之數如蒙免徵依例刺字相應

都省准擬仰依上施行

贓依犯時估價至大元年江浙行省准 中書省咨浙東

道宣慰司都元帥府呈温州路申盜賊贓罪已有斷例見
獲賊人所招物內有金銀器皿首飾之物若依民間時估
即與元定官價爭懸恐涉太重合死照依官價定例緣為
例事理請定奪事准此送據刑部回呈與戶部即中郎朝
阮一同議得強切盜賊盜訖事主金銀必須估贓定罪既
是金銀開禁官無平准定價所從民便買賣所估價直擬
合照依賊人犯處當時市價定罪相應具呈照詳都省准
擬咨請照驗施行

刺斷

僧人作賊刺斷大德三年三月行中書省劄付准

中書省咨陝西省安西臨潼縣切盜僧人孫義吉偷盜馬
匹除罪犯已行斷訖外刺面一節請定奪送刑部照得至
元十六年十月初九日承奉 中書省判送本元呈為僧
人張文通作賊偷盜僧人李寶月等衣服鈔數公事本部
與總統所一同議得僧人張文通所犯罪 斷訖擬將本
僧依例刺臂呈奉 都堂鈞旨准呈施行今承見奉本部
議得僧人孫義吉所犯即與張文通一体擬合依例刺字
緣係札魯火赤掌管事理更乞劄付本處議擬得此行據

扎魯花赤蒙古文字譯該先為僧人董譚兒等作賊稟奉
帝師法旨免刺斷罪外追元籍收係為民當免了當議得和
尚作賊合與俗人一体刺字依斷例配發落施行開札魯
花赤脫歡傳說宣政院官答失蠻言語為和尚做賊的勾
當俺每商量來依体例刺了呵發遣元籍還俗是軍的交
當軍為民的交當差者怎生般定奪的省官人每識者都
省准擬除外咨請依上施行

八刺哈赤人等作賊刺斷大德六年御史臺咨奉

中書省劄付近據來呈審斷南北兩城兵馬司等處囚徒
內有作過一十餘次強切盜賊在前雖曾敗獲自來不曾

刺斷亦有經斷不曾刺字詢其所由為係應當八刺哈赤
等或係應當怯薛之人驅口今後除正蒙古人外其餘色
目漢人不以是何職役但犯強切盜賊俱各一体刺斷具
呈照詳送刑部照擬回呈議得前項應當八刺哈赤人等
作賊擬合欵依大德五年十二月二十六日

奏准定例除蒙古人并婦人免刺外其餘人員依例刺字雖
會

詔赦釋免亦合一体刺字所有因做好事特奉

聖旨

懿旨釋放賊人臨時宜從都省區處相應得此照得刺斷通

例已經通行各處欵依施行餘准部擬都省仰照驗施行
僧盜師伯物刺斷大德七年九月准 中書省咨來咨袁
州路申僧人伍普秀伏招大德七年二月二十七日切盜
東察師伯公素允中中統鈔一百一十三兩伍錢黃蠟二
餅共計贓至元鈔二十貫之上本路已經斷罪還俗雖非
本宗親屬終是切盜本院師伯公之物合無比同親屬相
犯例免刺上追正贓本部照得大德七年四月承奉中書
省劄付陝西行省咨四川宣慰司都元帥府呈成都路脩
簡州申捉獲僧人善祥先與李阿王通奸切盜師兄善智
財物取訖招伏若以常人犯盜論罪刺斷還俗事主善智

係善祥師兄同寺居住若以比親屬斷罪免刺及不還俗
未曾斷過如此体例准此送本部議得僧人張善祥所招
除與李忠妻阿王通奸罪犯欵過

詔恩釋免外據本僧不合于大德六年三月二十七日夜切
盜師兄善智財物雖善祥係善智師弟義如朋友難同親
屬定論以此參詳擬合移咨行省將張善祥依例斷刺還
俗籍充警踰人收係當差仍劄付宣政院照會相應都省
准擬除外合下仰照驗施行奉此議得僧人伍普秀所招
不合切盜師伯素允中財物罪犯擬合依例刺斷追徵陪
贓相應前件依准所擬

僧盜師叔物刺字皇慶二年四月 日福建道宣慰司承
奉江浙行省劄付據建康路申句容縣申僧人華祖仁狀
告至大四年四月初七日被盜訖綿線三十兩紅絹一疋
苧布一疋中統鈔四定捉獲賊僧曹勝哥取訖不合偷盜
師叔華祖仁鈔物招詞本省看詳僧人省犯如係法眷師
祖而下子孫弟姪同派比同親屬免刺係為例事理移准
中書省咨送據刑部呈議得僧人曹勝哥所招不合于至
大四年三月二十八日夜偷盜師叔華祖人綿線布疋鈔
定罪犯既已斷訖發付還俗追徵陪贖據合比例刺字收
充警踪相應具呈照詳都省准擬咨請依上施行

遇赦依例刺字至大元年四月行臺准 御史臺咨奉

中書省劄付來呈山東廉訪司申各處捉獲強切盜賊取
訖明白招伏追贖到官施行間欽遇分問俱不刺字疎放
於例未應所行不一送刑部議得諸強盜切賊已得財不
得財或奸傷事主及故燒房舍等物今後欽遇

詔赦罪原既免擬合刺字相應已經劄付本臺依上施行去
訖今又據本部呈照得所擬即係通行通例然文理之間
頗有不明若不舉呈恐致差池本部再行議得諸強切盜
賊若已得財其雖不得財而曾奸傷事主及因而故燒房
舍并損壞財物產畜田場積聚之物者罪遇原免擬合刺

字通行照會相應具呈照詳都省准擬仰依上施行
再犯經革刺左項至大二年三月江西行省准 中書省
咨來咨撫州路備樂安縣申捉獲強賊袁羅三大德九年
六月初九日夜為從行劫事主張李一家財產被捉到官
欽遇疎放已于本賊左項上刺訖強盜一度今次再犯強
劫事主劉詳叟財物其罪又經釋免依例應刺若再於左
項上刺字誠恐差池緣強盜再刺本省未嘗行過事于通
例咨請回示送據刑部呈議得強賊袁羅三既是先犯遇
免刺訖右項今犯再遇

詔赦擬刺本賊左項相應具呈無詳都省請依例刺項施行

女直作賊刺字延祐四年三月 行省准 中書省咨刑

部呈濟寧路申賊人張不花狀招年二十五歲根脚女直
人氏招伏通犯竊盜二次不合於延祐二年五月初六日
首賊魏驢兒同情偷盜事主張五家埋窖粟四石不花分
訖一石五斗未曾食用被捉到官將不花斷訖五十七下
疎放回家一次不合於延祐三年二月二十二日夜二更
時前後受未獲首賊魏驢兒同情偷盜事主周鵬住猪九
口除將猪四口發賣到價錢中統鈔六十六兩首賊魏驢
兒分訖鈔四十一兩不花分訖鈔二十五兩節次破使不
存被捉到官招伏是實得此照得大德八年

奏准盜賊通例內節該除漢兒高麗蠻子人外俱係色目
人有合出軍的明白問了死隱諱令各路官司依例發
遣欵此除欵遵外欲將張不花刺配未審女直同與不
同色目誠恐差池除將張不花依例杖斷六十七下外
聽候乞明降得此為不見女直人是否同色目漢人除
授移准吏部閏照得至大元年三月承奉 中書省劄
付據隨路見任并各投下刼設到達魯花赤於內多有
女直契丹漢兒人等省府公議得除回回畏吾兒乃蚩
唐兀人員同蒙古人准許勾當於女直契丹漢兒人擬
合革罷如有根脚合於管民官內取用奏奉

聖旨那般者欵奉如此仰欵依

聖旨事理施行仍將見到部達魯花赤從實照看分揀各各員
數擬定申呈奉此閏請照驗准此本部議得偷豬切盜張
不花女直人氏若擬不同色目照得大德八年

奏准盜賊通例節該除漢兒高麗蠻子外俱係色目欵此參
詳前項賊人既是女直不同蒙古况兼有姓難同色目合
與漢兒一体刺字宜從都省

間奏遍行照會相應具呈照詳得此都省議得今後女直作
賊既非色目依准部議與漢兒一体刺字咨請依上施行

免刺

蒙古及婦人免刺

見前強切盜賊通例

偷斫樹木免刺
 洛州申歸問到錢雷住招狀不合於至元
 五年十二月十七日夜為首糾合已斫薛驢兒偷斫大偷
 樹被事主知覺留住拒捕將事主王通事射傷罪犯法司
 擬錢留住即係偷盜樹木事理舊例毀伐樹木稼穡者以
 盜論財主捕而拒傷者從拒捕法舊例諸以盜論者一貫
 杖六十五貫加一等計贓一十一貫合杖八十又招不合
 因事主知覺前來拒捕上用箭射傷王通事罪犯准上從
 拒捕法舊例即非毆捕者加本罪一等傷者加鬪傷二等

准本罪杖八十加一等合杖九十又舊例及傷人徒五年
准上加二等合徒三年二罪從重其錢畱住合徒三年決
徒年杖八十依舊例以盜論者不在刺字之限部擬錢畱
住所招除盜斫他人樹木罪犯難同真刺斷外止據不合
拒捕財傷王通事罪犯量情一百七下行下本州免刺止
追正贓除外咨請照驗施行

知情不曾上盜免刺至元十四年十二月中書刑部符文
據大都路申潮州解到竊盜張刺真等數內責得張刺真
狀招于至元十四年十月二十二日刺真為首起意糾合
高坡兒刺真獨自上盜偷盜訖馬合某元收字蘭吳黃小

馬一匹前來審子門前說與高坡兒知情一同宰殺貨賣
被捉到官罪犯是實及責得知情人高坡兒狀招與張刺
真所指相同估到元盜贓價九兩五錢府司看詳賊人張
刺真所犯即係真盜合行依例刺配斷罪據高坡兒所招
知情張刺真偷馬一同宰殺貨賣終不曾上盜若係私宰
馬牛体例免刺斷罪誠恐未當申乞驗事省部相度擬准
所申張刺真計贓居役一百日滿日斷罪除將張刺真開
發行工部居役外今將高坡兒隨此發去合下仰照驗依
上斷決仍更為行下合屬取勘元盜馬匹施行
子隨父上盜免刺至元二十四年六月 江西行省袁州

路申盧元甫被盜捉獲賊人高三審囚官刺断了當據高三男甘仔上盜時係從順父前去即係受尊長使令之人兼本人年一十四歲係是童男不諳世俗又不曾分受贓物入已難同隨從他人上盜体例乞明降省府議得高甘仔年既未及成下止從父命為此依法理合止罪其父高甘仔擬免科斷合下仰依上施行

親屬相盜免刺大德七年三月 日江西行省准 中書省咨該來咨瑞州路申肖壬壽狀招不合于大德六年五月初六日夜被盜堂兄肖德三驢一頭照得近准 中書省咨

奏准定到斷例內一款諸竊盜初犯刺左臂除欽遵外今據見申看詳賊人肖壬壽所招不合偷訖堂兄肖德三驢畜若便照依前刺免追陪贓刺字斷決誠恐差池咨請照詳刑部議擬親屬相盜自至元八年前部議擬免刺循行至至今却緣見

奏准盜賊例內不曾該載所據肖壬壽招伏不合偷盜堂兄肖德三驢畜即係親屬亦合免刺陪贓依例追徵相應都省議得肖壬壽偷盜堂兄肖德三驢畜既係親屬相盜例合免刺依准行省所擬止追正贓受顧人盜主物免刺大德七年三月江西行省准 中書

省咨來咨江州路申陳寅子狀招既自大德四年正月十七日憑黃仲三作保與事主吳旺家受顧使喚不合于大德六年正月至三月日數不等偷盜訖顧主吳旺糯米各一十九石七斗并熟占米二斗糶與在城不得名隅小王等共得價鈔貳定十六兩內劉萬四分訖一十八兩外餘鈔寅子入己罪犯招伏是實得此照得除陳寅子大德六年正月二十四日為始至二月初七日六次偷盜顧主吳旺糯米一十二石糶與小王一節係在大德六年三月初三日已前事理革撥依例止追正贓給主外據三月十三至十九日七次偷訖顧主吳旺糯米七石七斗并熟占米

二斗折價中統鈔一定四十兩除劉萬四分受外實得中統鈔三十六兩該折至元鈔七兩六錢入己使用陳寅子懼怕吳旺告發到官私下陪還訖中統鈔二定依切盜至元鈔拾貫以下六十七若要刺斷緣陳寅子始於吳旺家內受顧係同居宿食之人又已前事悔過已行還價申乞照驗本省議得陳寅子所招不合節次盜訖顧主吳旺米穀若依前免追陪贓刺字誠恐差池咨請照驗刑部議得陳寅子所招因顧主吳旺令本賊自行量穀剩米出糶不曾拘管量數節次偷搬訖顧主吳旺穀未糶賣罪犯若依常盜定論刺斷却緣本賊與顧主宿食同居擬合比依奴

婢盜賣本使財物減等定論不追陪贓免刺相都省准擬
兩姨兄弟免刺大德七年九月 日江西行省准 中書
省咨來咨龍興路申周辛四狀招大德六年十二月初六
日夜糾合黃文二盜訖兩姨兄弟宋雲一黃牯牛一頭自
行前去撫州路憑陳顯二賣與王聘三秀得訖中統鈔三
十兩除將各賊斷決六十七下黃文二刺字別無定奪外
據周辛四係失主宋雲一西姨兄弟雖是無服之親終係
親屬相應免刺止追正贓部擬周辛四切盜兩姨兄弟宋
雲一牛隻罪犯即係親屬相盜合准行省所擬免刺止追
正贓相應 都省准擬

偷粟米賊人免刺大德八年正月承奉 中書省劄付河
北道廉訪司中賊人宋仲友於大德三年五月內偷盜訖
事主謝秀粟穀五斗估贓計中統鈔二兩江陵路刺斷訖
五十七下不見通例具呈照詳送刑部照得大德七年七
月內承奉 中書省劄付也可札魯忽赤蒙古文字譯該
河東山西道宣慰司呈賊人張成李添兒等偷盜事主王
聚等害來的麥穀如故意偷錢物來的賊一般刺字呵重
了的一般怎生明白定奪俺行回文書與將來的省官人
每識者送本部議得饑饉之際切糧食者固法所不容而
情在所宥比年田禾薄收物料湧貴貧民鬪食為救一時

之急因而切取糧食原其所由情非得已若與偷盜錢物
一体刺斷依涉太重擬合依例斷罪權宜免刺敢有再犯
一石之上者依例刺字相應都省議得切盜糧食初犯依
准本部所擬再犯者臨事詳請議斷奉此今承見奉本部
議得賊人朱仲友所招先犯隨從姜晚十等強盜閔千二
不曾得財欽遇

詔赦釋免外又于大德三年五月二十六日因闕口糧除盜
謝秀粟穀五斗未曾出門被看倉人魯六一捉獲拒捕將
事主咬傷估計至元鈔四錢賍不滿貫江陵路却將本賊
刺斷既係

格前似難取問擬合除洗元刺字樣相應都省准擬仰依上
施行

老幼篤廢疾免刺至大元年六月江西行省准 中書省
咨來咨建昌路申程福孫狀招年一十五歲不合信從李
寶俚說合同情福孫下手掏摸到熊十二至元鈔五百文
遞與李寶俚收接去訖議得程福孫等所招俱已疎放罪
囚已前事理外據刺字一節緣本人犯罪時年方一十五
歲又兼賍不滿貫合行免刺罰贖即係通例咨請定奪准
此送據刑部呈議得李寶俚所犯誘合程福孫掏摸熊十
二至元鈔五百文遞與李寶俚收接捉獲到官搜賍還主

李寶俚雖不下手終是造意為首罪經疎放例合刺字程
福孫年方十五未行出幼擬合免刺今後強切盜賊已得
財者年七十以上十五以下及篤廢疾不任重刑合行免
刺收贖事干通例如蒙准呈通行相應 都省准擬咨請
依上施行

父首子盜羊免刺至大四年九月 日福建宣慰司承奉
江浙行省劄付近據平江路申沈振告伊男沈阿德偷盜
山羊等事欵遇原免刺字一節照得開到沈阿德招詞申
訖照詳得此條咨 中書省照詳去後今准回咨該平江
路申沈振告伊男沈阿德偷盜素六五家山羊等事問得

沈阿德狀招不合于至大三年正月二十日為始節次月
日不等四次糾合錢阿十等偷盜事主沈二十八葛郎張
勝素六五四家山羊鷄隻衣服等物及不合知情另居親
兄沈文四等強劫到素七三山羊衣服于二月初三日分
受羊頭肺肝雜物同父沈魯七喫用罪犯合死照依賊人
郭閏兒為盜丈人杜玉告發到官免刺例區處本省行下
照勘到沈阿德條細招詞除將本賊霸管聽候外刺字一
節咨請回示准此送據刑部呈議得沈阿德所招四次切
盜計贓俱在至元鈔十貫以下其罪既等例合從一定論
所招一次知情親兄沈文四等強盜傷人當時本賊不曾

同行上盜止是知情受要羊頭肝肺以此叅詳沈阿德所
犯既因乃父首告發露到官罪遇原免比依前例免刺相
應具呈照詳 都省准擬依上施行

僧盜師祖物免刺皇慶元年五月江西行省准 中書省
咨來咨袁州路脩宜春縣申僧陳維質偷盜師祖錢師祥
襖子錫盞等物看詳所犯即係切盜師祖衣物又亦同寺
住居僧人如將本人免刺止追正贓斷令還俗相應除先
行依例斷決六十七下外據刺字追贓一節乞明降得此
照得事干通例請照詳准此送據刑部議得僧人陳維質
切盜師祖錢師祥衣物罪既斷訖緣係師祖合同凡人親

屬相盜例免刺止追正贓發付有司還俗為民相應具呈
照詳 都省准擬咨請依上施行

盜神衣免刺延祐二年十一月江西行省准 中書省咨
該來咨吉安路申廬陵縣宋長卿告青源山淨居禪寺被
盜伊元捨人本寺大花黃羅直裰衣服等事責得賊人張
元章狀招不合于延祐二年二月初十日因去本寺隨喜
觀看就被乞食起意偷盜神像衣服以此於本日一更時
分盜訖本寺小位祖師元穿舊黃素羅單直裰一件及塔
內七祖禪師舊黃花羅直裰一件元縫補黃紵絲表黃絹
裏直裰一件白絹單直裰一件并僧鞋一雙將前項直裰

等衣服欲行改造衣服穿着被投到官招伏是實參詳賊人張元章所招盜剥泥塑祖師所穿直裰等衣服五件估計至元鈔八貫九百文本路已行斷訖六十七下原情蓋為饑貧兼所盜神衣別非常用之物若比章萬一盜東岳廟黃絹字幡例免刺緣事干通例咨請照詳准此送據刑部呈照得至大三年十月初六日承奉尚書省判送本部呈山東宣慰司閔益都路申沂州解到偷盜神衣賊人葛課兒并元盜衣服等物取訖招詞估贓至元鈔六兩七錢除將本賊依例杖斷六十七下若便刺字徒役慮恐差池本部議得葛課兒所招先犯偷驢宰殺食用經刺斷罪令

犯因為饑寒所逼盜取死人看守廣等神像衣服情犯若與偷盜民財一体刺配似涉太重以此參詳葛課兒既已杖斷權免刺配相應得此送刑部依上施行今承見奉本部議得賊人張元章偷盜青源山淨居禪寺塔內七祖禪師等神像所穿衣服即是死人看守難同常盜罪既斷訖比例刺斷相應具呈照詳得此 都省咨請依上施行主偷佃物免刺延祐三年七月袁州路奉江西行省劄付近據吉安路申陳百六被盜事問得陳慶二狀招不合為首糾合高百一等六名切盜訖佃戶陳百六布物入已併贓計至元鈔四十貫之上比依舊例將陳慶二杖斷九十

七下從賊高百一等斷八十七下批刺字陪贓一節舊例
奴盜主財親屬相盜免刺止追正贓本省議得陳慶二既
係事主陳百六田主又將婢使嫁與為妻即與偷盜他人
財物不同從賊高百一等六名內陳十一又係首賊陳慶
二房兄雖係陳慶二糾合上盜各有另分贓物入已俱已
斷訖若擬刺字追徵陪贓誠恐差池移准 中書省咨該
送刑部呈議得首賊陳慶二糾合高百一等六名偷盜佃
客陳百六衣物罪已斷訖擬合免刺其餘從賊高百一等
合依凡盜定論陪贓一節既已革前免徵相應具呈照詳
都省准擬咨請依上施行

從賊不得財免刺延祐三年八月江西行省准 中書省
咨來咨南安路備大庾嶺申梁賢十告至大四年四月初
五日夜被賊打傷劫訖銀釵衣服等物責得首賊朱伴兒
狀招不合為首糾合孫伯奴孟千兒李佛保等四人四月
初五日夜持仗行劫梁賢十家孫伯奴手執木棒打傷事
主梁賢十件兒劫到烏油篋篋一隻出門打開篋內有藤
箱一個揭開箱蓋採摸得別無鈔兩止是衣服聽得有人
叫喊根趕出來將衣服并篋撇在溝內執把木棒在逃被
捉到官罪犯是實得此延祐二年十月十五日蒙奉使宣
撫到路審錄得孫伯奴稱冤當元不曾打傷事主委是梁

賢十妄告虛招及責得事主梁賢十狀招不合於官妄告
黑臉賊人用所執木棒將賢十右手腕下向外打傷又不
合朦朧告稱被賊人將去銀排釵一隻銀鏡一隻致蒙尉
司官兵監押賢十于水溝內尋出銀鏡各一隻赴官是實
除賊人朱伴兒李保病死外奉使宣撫擬將從賊孫伯奴
孟千兒依強盜為從例杖斷九十七下其上盜情狀已明
依例免刺誠恐差池事干通例咨請照詳准此送刑部議
得從賊孫伯奴孟千兒與首賊朱伴兒李保明火持杖
強劫梁賢十家不曾得財亦不能打傷事主罪犯首賊朱
伴兒等在禁病死本道使宣撫已將從賊孫伯奴孟千兒

斷訖叅詳既是不曾得財擬合依例免刺相應具呈照詳
都省准擬咨請依上施行

劫族弟物免刺延祐四年十月袁州路奉 江西行省劄
付瑞州路申賊人羅秀六吳信等于延祐二年正月二十
六日夜明火持杖打傷事主羅福二等劫到銀物延祐四
年閏正月初八日欽奉

詔赦釋放外刺字一節各賊與事主閔親若依親戚相盜例
免刺字緣係強盜打傷事理事干通例移准 中書省咨
該送刑部議得羅秀六為首糾合妹夫吳信強劫訖族弟
羅福二等家財罪遇釋免雖是死服終係親戚相盜擬合

免刺相應都省准擬仰依上施行

流配

賊人發付窰場配役至元十二年十一月中書兵刑部承奉中書省劄付據審斷大都路罪囚官兵刑部即申呈切見大都配役盜賊在先體例但有切盜總管府取訖招伏估贓申呈兵刑部却關行工部行下少府監轉下窰場纔時配役委是淹禁今後但有捉獲切盜取了招伏先令總管府發付窰場配役然後開座本賊入役月日所犯情由估贓價貫申部定立限次關發行工部照會以望不致淹禁呈乞照詳事都省准呈仰依上施行

配役遇閏准筭元貞二年六月准中書省咨刑部呈近

欽奉

聖旨節該配役底罪人舊底廝甚麼到二年滿底放了者不到底二年呵放了者新底也做一年程限者欽此照得各處配役囚徒元限一年踈放遇有閏月却該一十三个月似有不諭叅詳繫獄之囚理宜從輕如將閏月准算相應蒙都省准呈請依上施行

囚徒配役給糧大德二年十月 中書省咨據御史臺呈廣西道廉訪司申分司照刷廣海鹽課都提舉司文卷取會得本司狀申各處元發罪囚一日四十六名已到八十八名發下各場配役並不曾支給口糧及有身死人口等事

得此照得此等囚徒所犯罪惡已經刺斷發下鹽司常川配役一身別無營贍官又不給口糧費力生受饑餓身死有傷

聖朝好生之德自古以來徒罪止于五年為滿今後合無官支日食口糧及定立滿限踈放庶使人得改過自新為便事都省照得罪囚徒年驗元配輕重已有定例日用口糧委無營贍官為支給咨請依上施行

流囚釋放通例至大元年江浙行省准 中書省咨近准遼陽行省咨東平益都等路解到出軍賊人吳喜等未及流所欽遇

詔赦若便踈放未經比例准此送刑部照擬回呈照得至元十三年十一月二十九日奏奉

聖旨節該在先断定流遠的人每遇着

赦呵合放奉

聖旨那的不是已了底事那甚麼交流去者欽此照得大德九年七月承奉中書省劄付本部元呈江浙行省咨松江府刺斷訖合流遠強劫事主曹曾一等家財物從賊錢萬四等一十二名責付華亭上海兩縣收管開坐到各賊所招罪犯送本部議得強盜從賊錢萬四等已經刺斷聽候流遠欽遇二月二十五日

詔赦已前事理擬依例免放都省准擬除已移咨江浙省依上施行外仰照驗施行奉此按舊制流刑有三皆以里數定限立程限內遇赦則原無故遠限則不原今遼陽省離大都一千五百餘里其流囚別無責定限程吳喜兒等三名至行省欽遇

詔赦本省咨各賊未及流所擬合比例欽依免放相應得此議得流囚中途遇免未有通例依准所擬移咨中書省

聞奏釋放去後今准回咨至大元年五月十八日

奏過事內一件薛徹干等遼陽省官人每俺根底與將文書未吳喜兒等賊每發將俺地面裏交屯種來呵公路裏遇

着

赦來待放呵無這般例麼道稟問將來有俺商量來似這般
流遠的賊每遇着

赦呵放了的也不曾放了的也有今後流遠去的田地裏不

曾到的做个通例交放呵怎生麼道奏呵奉

聖旨那般者欽此

免配

切盜父母年老免配延祐三年十一月江西行省准

中書省咨該來咨素州路備宜春縣申賊人賀六盜訖謝

慶二鈔定即係切盜初犯依例杖斷七下刺左臂外

徒一年若將本人發付居役緣祖母賀阿劉年九十五歲

母阿甘年六十五歲父六十四歲俱各年老患病別死以

次侍丁如蒙從權免配相應咨請照詳准此送刑部議得

犯罪之徒雖法所不容然家無次丁亦許權留養親今江

西行省咨切賊賀必貴例應從配却緣本賊祖母父母俱

各年老殘疾別無以次侍丁如准所擬免配相應具呈照

詳都省准擬咨請依上施行

首原

事未發自首原罪

見前強切盜賊通例第八條

父首子為盜免罪大德七年九月山東東西道宣慰司准
中書刑部關承奉 中書省劄付也可扎魯忽赤蒙古文
字譯該山東宣慰司文字裏呈濟寧路申偷驢賊梁得兒
小名的人招伏大德六年十月十五日隻身前去邵立名
字的人院內入去將樁上元拴一个驢偷將來濟州將軍
寨村裏住的呂大根底賣與了後頭他的爺梁寬理會得
將他孩兒打了教道了將元偷盜驢摔將來主人邵立根
底用酒食告求將偷驢賊梁得兒放了即同自首據這勾

當係為例事理怎生般定奪的省官人每識者送本部議
得梁得兒切盜邵立驢畜伊父知覺自於事主處首說分
付訖元盜驢畜合同自首如准也可札魯忽赤所據免罪
相應都省准擬仰照驗施行

窩主

年老停賊斷罪至元十年四月二十四日中書兵刑據南
京路申解萬戶馭口杜海安藏賊人李大等指說事主翟
用有財資給行使棒杖等物行劫除賊人追勘外取到杜
海招伏年七十二歲合無的決或勘酌收贖省部相度杜
海雖是年老所犯難擬收贖仰就便約量斷決外據賊人
依理追勘歸結施行

窩藏賊人罪例至元三十年二月二十六日中書省奏奉
聖旨節該窩藏做賊的行省行院官人每一同問了取招是實
呵為首的根底敲了其餘的那田地裏不交往發將出來

麼道欽此

強切盜賊窩主大德七年八月 日江西行省准 中書
省咨刑部呈大名路脩錄事司今後應有窩藏盜賊或切
強曾元殺傷事主窩主但曾與各賊一同分使贓物之人
無處聚集糾合此息盜之要術也本部議得中刑慎遏制
強切盜賊首乃造意從即隨行已有定例雖曰窩主而有
起意糾合指引上盜分受贓物身雖不行既係元謀合為
首論若未行盜及行盜之後知情窩藏分受贓者減強切
從賊一等免刺科斷其或經斷後終不改者與從賊同罪
相應都省准擬咨請依上施行

警跡人

盜賊刺斷充警跡人中統五年八月初四日欽奉

聖旨條畫內一款強盜不該死并切盜除斷本罪外初犯者于

右臂上刺強切盜一度字號強盜再犯處死切盜再犯者

斷罪外項上刺字

雖會赦亦刺字

皆司縣籍記充警跡人令村坊

常切檢察遇有出處經宿或移他處報隣佑知若經五年
不犯者聽主首與隣人保甲除籍如能告及捕獲強盜一
名減二年二名除籍切盜一名減一年其附籍後若有再
犯終身拘籍應據警跡人除緝捕外官司不得追逐出入
妨碍營生欽此

警跡人拘檢閱防大德五年十二月二十六日

奏准強切盜賊例內一款諸切賊盜初犯刺左臂再犯刺右臂三犯刺項強盜初犯刺項並充警跡人官司拘檢閱防一如舊制欽此

警跡人轉發元籍大德七年四月江西行省准 中書省咨河南省咨歸德府申准本府知府趙朝散閱欽奉

聖旨即該

云云見前

省府相度應據刺斷釋放強切盜賊轉發

元籍收充警跡人數欽依

聖旨羈管無令出入令各處官司並不嚴加檢察亦不明立粉壁上下半月參官縱令出外別作通犯元籍官司一向無

罪以致盜賊極多累經刺配強盜出外不獲不許給由若應捕人與犯人加等斷罪等事本省看詳警跡人等別境作過不見定到本管官司有失檢察罪名通例咨請照詳准此送刑部照得大德五年十二月二十六日

奏准強切盜賊例內一款照得各處申稟不見經斷強切盜賊衙賀拘檢閱防定例并當該官司有失覺察罪名本部議得斷放強切盜賊發付元籍官司籍記充警跡人門首置立紅泥粉壁開寫姓名所犯每上下半月赴官衙賀令本處社長主首隣佑常加檢察但遇出處經宿或移他所須要告報得知違者即便申官追究若失覺察放令別作

非違量情斷罪捕盜官專一提調用心閔防如拘檢不嚴別作過犯亦行治罪任滿解由內開寫警跡人若能獲賊改過五年不犯者欵依除籍如准所呈通行照會相應具呈照詳 都省准擬咨請依上施行

警跡人獲賊功賞至大元年九月江西行省准 中書省咨刑部呈切謂近年已來水旱相仍歲時饑歉百姓流移不能自存因而為盜滋蔓數多有司无以勸導致使斯民不能遠惡遷善除強切盜賊斷例已有常憲外改過者別無自新之條為此檢會到中統五年八月內欵奉云云又照大德五年十二月二十六日奏奉云云又諸盜未發而

自首者原其罪能捕獲同伴者仍依例給賞除欵遵外本部參詳凡所在官司籍記警跡人賊除捕獲強盜已有定例今後如能自首告及捕獲切盜者每一名減一半伍名除籍餘有數名作常人獲賊例理賞若所獲賊數不及減除者今當該官司給據以憑通理若除籍後再犯者終身拘籍如此庶幾遞相勸善塞為惡之門啟自新之路如蒙准呈通行照會相應具呈照詳都省准呈咨請依上施行拘鈐不令離境至大四年十月江西省准 中書咨省該會例奉

聖旨節該強切盜賊雖會赦仍刺字皆司縣籍記充警跡人令

村坊常切檢舉遇出處經宿或移他處報隣佑知若經五年不犯者所主首與隣人保甲除籍欽此又照得大德七年四月河南行省咨歸德府知府趙朝列言各處警跡人關防不嚴等事送刑部議得云云都省准擬通行依上施行去訖今來照得大都南北兩城兵馬司見獲盜賊起內多係他處經斷警斷賊徒蓋因所在官司不為用心鈴束以致離境甚失治体都省除見獲警跡賊徒劄付刑部挨問所在官司不行拘檢縱令出境罪犯依例究治外咨請照驗督勸管民官用心拘檢作過賊徒毋致離境軍官應捕人等嚴加防禁務要盜息民安違者依上究治施行

雜例

拾得物難同真盜至元十一年十月中書兵刑部大都路申田番奴招狀不合將拾得白絹一疋不行赴官陳首賣把貨賣罪犯看詳田留奴即係拾得絹疋不送有司貨賣難同真盜体刺配據合量情斷決乞明降事省部相度既是絹主遺失即係攔遺不行赴官合下仰照驗更為審復如已招是實准據量情斷決施行

詐認物合同真盜至元十二年十月中書兵刑部大都路歸問麻合謀狀招不合從阿李語言要訖本人鈔五兩與賊忽先分散一同于調_二出孩兒處詐認官駱駝一隻分

付阿李又得訖馬匹等物銷使罪犯照得所賈駱駝已經
斷沒入官叅詳謀合麻忽先所犯即係詐認難同真盜刺
配侵合斷罪除已勾追阿里另行取問外乞照驗事省部
相度麻合謀并舊賊忽先所招罪犯既無失訖駱駝故意
受錢識認貨賣即係盜詐合同真盜刺配斷罪仍將阿里
歸問外合下仰照驗依理施行

事主打死拒捕賊無罪元貞元年六月中書刑部來申韓
伯丑將偷盜鷄兒賊人酒李三打傷身死取乞韓伯丑并
抬屍人雷霆等招取乞照驗事得此省部議得韓伯丑所
招經斷賊人酒李三夤夜偷盜本家鷄兒知覺追趕本賊

持刀相敵此上打傷腎囊上帖訖一下次日身死即係事
主毆死拒敵賊徒雖有招伏難議定罪外據抬屍人雷霆
等合行定奪呈奉中書省判送本部元呈該奉都堂鈞旨
送刑部如各人已招是實中間別無情弊准呈施行

妻告夫作賊不離異大德十一年六月江浙行省准中書
省咨杭州路申大德九年正月初五日據阿徐告夫謝壽
三節次偷盜謝八七嫂等家物件責得賊人謝壽三狀招
相同追贖到官刺斷六十七下發充警跡人外據謝阿徐
告夫作賊一節看詳謀害于夫難同義絕若依前後離異
恐啟僥倖之門咨請照詳送據刑部呈議得該謝阿徐告

夫謝壽三為盜杭州路將本人刺斷籍充警跡人且妻告
其夫斃壞彞倫此風甚不可長前事已經欽遇

詔恩釋免外據謝阿徐難擬離異具呈照詳都省准擬咨請
依上施行

